

## LABAARI GEA NGE MƐ MAAKU U YORUA

Durɔ wi u tire te yorua, win yĩsira Yohanu Maaku.  
U ñ sãa Yuu. U sãawa Baanabasin dusi.

Maaku u kɪ u tɔmbu Yesun Labaari gea sɔ̄. U sɔ̄si ma Yesu u bɔsu u tɔmbu gea kuammɛ, ma u be ba wãa Setam nɔmuɔ bekiamɔ. Domi Gusunɔ u wãa ka wi. Maakun tire ten gari mɛro ya wãawa Maaku 10:45 sɔ̄. Ya nɛɛ, Tɔnun Bii u nawa u ka gabu sã kpa u gbi u ka tɔn dabinu yakia.

### *Tire ten kpunaa*

1. Yesun Labaari gea, wiru 1:1-13.
2. Yesun sɔmburun tore Galileɔ, wiru 1:14n di sere wiru 9:50.
3. Yesun daaru Yerusalemu gia, wiru 10.
4. Yesun wãaru Yerusalemuɔ, wiru 11n di sere wiru 13.
5. Yesun gɔɔ ka win seebu gɔrin di, wiru 14n di sere wiru 16.

### *Yohanu Batɛmu kowon waasu*

*(I maa mɛɛrio Mateu 3:1-12, Luku 3:1-18, Yohanu 1:19-28)*

<sup>1</sup> Yesu Kirisi, Gusunɔn Biin Labaari gean torubu wee.

<sup>2</sup> Gusunɔn sɔmɔ Esai u yen gari yorua win tireru sɔ̄ u nɛɛ, Gusunɔ u nɛɛ,

“N wee, na nɛn sɔmɔ gɔriɔ wunɛn wuswaaɔ u wunɛn swaa sɔmɛ.

<sup>3</sup> Nɛn sɔmɔn nɔɔ ga gbãramɔ gɔbaburu sɔ̄ ga gerumɔ ga mɔ,

i Yinnin swaa sɔnwɔ, kpa i n ye nɔɔ nerasiamɔ yu dɛnda.”

<sup>4</sup>Nge mɛya, Yohanu Batɛmu kowo u na gɓaburu sɔɔ. U kparamɔ u mɔ, bu gɔru gɔsio ben toranun di kpa u bu batɛmu ko kpa Gusunɔ u bu ben toranu suuru kua.

<sup>5</sup>Tɔmbu kpuro ba ra n daamɔ win mi saa Yudean tem di ka maa Yerusalemu maron di. Ba ben toranu tuuba mɔ, ma ba derimɔ u bu batɛmu mɔ daa te ba mɔ Yuudɛniɔ.

<sup>6</sup>Yohanu wi, u yooyoon sansun yaberu sebua, ma u gɔna sɛke win pɔraɔ. Twee ka tim bausa u ra di.

<sup>7</sup>Ma u waasu mɔ u gerumɔ u mɔ, goo u sisi nɛn biruɔ wi u man yiiko kere. Nɛ na kun mam tura n yiira n yɛron baranun wɛɛ kusia.

<sup>8</sup>Nɛ na bɛɛ batɛmu mɔ ka nim, adama yɛro wi, u koo bɛɛ batɛmu kowa ka Hunde Dɛero.

*Yesun batɛmu ka win kɔkiribu*

*(I maa mɛriɔ Mateu 3:13-4:11, Luku 3:21-22, 4:1-13)*

<sup>9</sup>Yen biru Yesu u na Nasaretin di ye ya wɔa Galilen temɔ, ma Yohanu nɔn batɛmu kua daa te ba mɔ Yuudɛniɔ.

<sup>10</sup>Sanam mɛ u yariɔ nim di, yera u wa wɔlla wukiara, ma u Hunde Dɛero wa nge kparuko u saram wee win wɔllɔ.

<sup>11</sup>Ma u nɔɔ gagu nua wɔllun di ga nɛɛ, wuna nɛn Bii kɔnasi wi sɔɔ nɛn gɔru doɓu kpuro wɔa.

<sup>12</sup>Saa ye sɔɔra Hunde Dɛero u Yesu sure gɓaburu sɔɔ.

<sup>13</sup>Ma u wɔa mi sɔɔ weeru, Setam nɔn kɔkirimɔ. Wi ka gbeeku yɛɛ sanna ba wɔa mi, ma wɔllun gɔradoba ba na ba nɔn nɔɔri.

*Yesu u susure kowobu nne soka*

*(I maa mεerio Mateu 4:12-22, Luku 4:14-15, 5:1-11)*

14 Ye ba Yohanu mwa ba pirisam doke ba kpa, yera Yesu u da Galilen temo u Gusunon Labaari gea kparamo.

15 U nεε, saa ya tura, Gusuno u sisi u bandu swi. I gōru gosio been toranun di kpa i Labaari gea ye naane doke.

16 Sanam me Yesu u simo Galilen daa burerun gooro, u Simo wa ka win wono Andere. Ba ben yaakororu kpem daa bure te so, domi swεε gowoba ba saa.

17 Yesu u bu sowa u nεε, i man swima, kon de i n da tambu kasu bu man swi.

18 Yande ba ben yaakoronun baa deri, ma ba nun swi.

19 Ye u susi wuswaa fiko, u Yakabu wa ka win wono Yohanu be ba saa Sebeden bibu. Ba wa goo nimkuu so ba yaakoronu korumo.

20 Mii mii u bu soka, ma ba nun swi. Ba ben tundo Sebede deri ka sam kowobu sannu goo nimkuu so.

*Duro wi werεku gagu ga wāasi*

*(I maa mεerio Luku 4:31-37)*

21 Ma ba da Kapenamuo. Ye n kua to werarugiru, ma Yesu u dua menno yero, u bu Gusunon garin keu soosim wari.

22 Biti bu mwa win keu soosi bin so. U bu soosimowa ka yiiko, n n mo nge me wooda yero ba ra soosi.

23 N deema saa ye so, werεkunugii goo u wa ben menno yee te so. U gbāra u nεε,

24 mba sa mɔ̄sine beɛe ka wune, Yesu Nasaretigii. A nawa a ka sun kam koosia? Na ye wi a saa. Wune Gusunɔn tɔn Deerowa.

25 Yesu u werɛku ge gerusi u nee, a mario, kpa a yari durɔ win min di.

26 Yera werɛku ge, ga durɔ wi sura nge giri kpakpanugii, ma ga kuuki kua ga ka yara win min di.

27 Biti tɔn be kpuro mwa gem gem sere ba sɔ̄namɔ ba mɔ̄, mban bwesera yeni. Gari tukiya u sɔ̄simɔ ka yiiko. Baa ka werɛkunɔ u nu wooda wɛemɔ, ma nu nɔ̄n mem nɔ̄wammɛ.

28 Ma win baaru yande kparara Galilen tem kpuro sɔ̄.

*Yesu u tɔn dabinu bekia*

*(I maa mɛerio Mateu 8:14-17, Luku 4:38-41)*

29 Ye Yesu yara mennɔ yerun di, wi ka Yakɔbu ka Yohanu ba da Simɔɔ ka Anderen yenuɔ.

30 N deema, Simɔ̄n kurɔn mero u wasi sundu barɔ u kpɪ. Ye ba yande tura mi, ba win gari Yesu sɔ̄wa.

31 Ma u da win mi, u nɔ̄n nɔ̄mu nenua u ka nɔ̄n seesia. Yande wasi sun te, ta nɔ̄n doonari, ma u bu nɔ̄rim wɔri.

32 Ye n kua yoka, sanam me sɔ̄ dua, tɔmba ka barɔbu kpuro ka werɛkunugibu na win mi.

33 Ma wuugibu kpuro ba menna dii tɔn mi u wɔan kɔnnɔwɔ.

34 U dabiru bekia saa ben bara bwese bwesekan di, ma u maa werɛku dabinu gira. Adama u n̄ deri werɛku ni, nu gari gere domi nu nɔ̄n ye.

*Yesu u bɔsu Galilen temɔ*

*(I maa mɛerio Luku 4:42-44)*

35 Yen sisiru buru buru yellu, sanam me yam kun dεeram kpa, Yesu u seewa u yara. U doona mi n dεsire, u kanaru m̀.

36 Ma Simɔɔ ka win kpaasibu ba ǹn kasu.

37 Sanam me ba ǹn wa ba ǹn sɔɔwa ba neε, tambu kpuro wɔɔ ba nun kasu.

38 U bu sɔɔwa u neε, n weene su da wusu gasu sɔɔ si su ka sun sikerene, kpa n maa waasu ko mi, domi yen sɔna na na.

39 Ma u bɔsu Galilen tem kpuro sɔɔ u waasu m̀ ben mennɔ yenɔ, u maa wεrekunu giramɔ.

*Yesu u wi u bara disigiru barɔ bekia  
(I maa mεerio Mateu 8:1-4, Luku 5:12-16)*

40 N wee, goo u na Yesun mi, wi u bara disigiru m̀ u yiira u ǹn faaba kana. U neε, à n wura kaa kpĩ a man bekia kpa n dεera.

41 Yera wɔnwɔnda Yesu mwa, ma u win nɔmu demia u ǹn baba u neε, na wura, a bekuro kpa a dεera.

42 Yande bara disigii te, ta ǹn yɔsu, ma u bekura u dεera.

43-44 Sanam meya Yesu u ǹn sɔɔwa ka dam u neε, a ku goo gεε sɔ. Adama a doo a tii yãku kowo tusia, kpa a yãkuru ko te Mɔwisi raa beε yiire, a ka baawure seeda sɔɔsi ma a bekura a dεera. Ma u dera u doona.

45 Adama durɔ wi, u doona ma u da u gari yi kparam wəri batuma sɔɔ ye n kooru wi sɔɔ. U gari yi saarimɔ sere Yesu kun kpĩa u wuu due, adama u yɔra wuun biruɔ mi n dεsire. Ma tamba naamɔ win mi saa baaman di.

## 2

*Yesu u durɔ goo bɛkia wìn wasin bee tia gu  
(I maa mɛerio Mateu 9:1-8, Luku 5:17-26)*

<sup>1</sup> Sɔɔ mɛerun biru, Yesu u wura Kapenamɔ. Tɔmba nua ma u wāa yɛnuɔ.

<sup>2</sup> Ma tɔn wɔru ga mɛnna sere ayeru maa sari baa kɔnnɔwɔ. Ma u bu Labaari gean gari nɔɔsiamɔ.

<sup>3</sup> Ba ka nùn durɔ goo naawa wìn wasin bee tia gu. Tɔmbu nnɛwa ba nùn sɔɔwa.

<sup>4</sup> Adama tɔn wɔru gen sɔ ba kpana bu Yesu susi. Yen sɔna ba diru mi u wāan wɔllɔ yaba win deedeeru. Ye ba yaba ba kpa, ma ba ka wɛɛ beku bɔɔ te sarasia tɛ sɔɔ durɔ wi, u kpī.

<sup>5</sup> Ye Yesu u durɔ ben naanɛ dokebu wa bi ba mɔ wi sɔɔ, u barɔ wi sɔɔwa u nɛɛ, bii durɔbu, a wunɛn durum suuru wa.

<sup>6</sup> Wooda yɛrobu gabu ba sɔ mi, ma ba tii bikiamɔ gɔruɔ ba mɔ,

<sup>7</sup> mban sɔna durɔ wi, u gari gerumɔ mɛsum. U Gusunɔ wɔmmɔwa. Wara koo kpī u durum suuru ko Gusunɔ turo baasi.

<sup>8</sup> Mii mii Yesu u gia ye ba bwisikumɔ. Ma u bu bikia u nɛɛ, mban sɔna i gari yinin bweseru bwisikumɔ bɛɛn gɔruɔ.

<sup>9</sup> Yerà ya sɛsɔ bo, bu ka barɔ wi sɔ u win durum suuru wa, n̄ kun mɛ bu nùn sɔ u seewo u win kpin yeru kure, kpa u sī.

<sup>10</sup> Adama na kī i n yɛ ma Tɔnun Bii u yiiko mɔ handunia ye sɔɔ u ka durum suuru ko.

Yera u barɔ wi sɔɔwa u nɛɛ,

<sup>11</sup> na nun sɔɔmɔ, a seewo a wunɛn kpin yeru kure, kpa a we yɛnuɔ.

<sup>12</sup> Nge me tambu kpuro ba nùn mɛɛra swɛɛ, durɔ wi, u seewa u win kpɪn yeru sua, u n yariɔ. Biti baka tɔn be mwa gem gem, ma ba Gusunɔ bɛɛɛ wɛɛmɔ. Ba gerumɔ ba mɔ, ba n̄ yenin bweseru waare.

*Yesu u Lefi soka*

*(I maa mɛɛrio Mateu 9:9-13, Luku 5:27-32)*

<sup>13</sup> Yera Yesu u kpam wura daa burerun goorɔ. Tambu kpuro ba naamɔ win mi, ma u bu Gusunɔn garin keu sɔɔsimɔ.

<sup>14</sup> Sanam me u sarɔ u Lefi wa, Alufen bii, u sɔ gberɛ yerɔ. U nùn sɔɔwa u nɛɛ, a man swĩiyɔ.

Lefi seewa ma u nùn swĩi.

<sup>15</sup> N deema sanam me Yesu u dimɔ Lefin yenuɔ, gberɛ mwaɔbu ka kɔsan kowobu dabira sɔ ka wi, ka win bwãabu sannu, domi ba dabi be ba nùn swĩi.

<sup>16</sup> Ye Falisiban wooda yẽrobu ba Yesu wa u dimɔ ka gberɛ mwaɔbu ka kɔsan kowobu sannu, ba win bwãabu bikia ba nɛɛ, mban sɔna u ka gberɛ mwaɔbu ka kɔsan kowobu dimɔ sannu.

<sup>17</sup> Ye Yesu u ye nua, u wooda yẽro be sɔɔwa u nɛɛ, be ba bwãa do ba n̄ timgiin bukata mɔ ma n̄ kun mɔ be ba barɔ. Na n̄ nɛ n̄ ka gemgibu soku. Na nawa n̄ ka torobu soku.

*Nɔɔ bɔkurun gari*

*(I maa mɛɛrio Mateu 9:14-17, Luku 5:33-39)*

<sup>18</sup> Ye Yohanun bwãabu ka Falisibagibu ba nɔɔ bɔkua, tamba na ba Yesu bikia ba nɛɛ, mban sɔna Yohanun bwãabu ka Falisibagibu ba nɔɔ bɔkua, ma wigiba kun bɔkua.

<sup>19</sup> Yesu u bu bikia u nɛɛ, kurɔ kraon durɔn bɔrɔba ba koo kpĩ bu nɔɔ bɔke sanam mɛ sɔɔ kurɔ kraon durɔ wãa ka be? Aawo, baa n̄ n̄ saa yeren na, ù n̄ wãa ka be, ba n̄ kpɛ bu nɔɔ bɔke.

20 Adama saa sisi yè sɔɔ ba koo bu kurɔ kpaon durɔ suari, sanam meya ba koo nɔɔ bɔke.

21 Ba ku ra yabe tɔkɔru kɔre ka kɔa kpa si ba n̄ nim doke. B̄a n̄ kua mɛ, kɔa kpa si, su koo gawana kpa su yabe tɔkɔrugisu gɔa kpa gɛerabu sosi.

22 Ba ku ra maa tam kpa wi wi gɔnan bɔɔnu sɔɔ ni nu diira. B̄a n̄ kua mɛ, tam kpa mɛ, mu koo de bɔɔnu nu kura, kpa mu yari kpa bɔɔ ni ka tam mɛ, n̄ kam ko kpuro. Adama ba ra tam kpa wi wi gɔnan bɔɔ kpaanu sɔɔ.

### *Tɔɔ wɛrarugirun gari*

*(I maa mɛrio Mateu 12:1-8, Luku 6:1-5)*

23 Tɔɔ wɛrarugiru garu sɔɔ, n̄ deema Yesu ka win bw̄abu ba s̄imɔ swaa sɔɔ alikama gbaarun bɔkuɔ. Nge mɛ ba s̄imɔ, win bw̄abu ba alikama wɔkamɔ.

24 Yera Falisiba ba Yesu sɔɔwa ba nɛɛ, u mɛrio, mban s̄na win bw̄aba mɔ ye wooda ya yina bu ko tɔɔ wɛrarugiru sɔɔ.

25 Ma Yesu u bu bikia u nɛɛ, i n̄ garire ye Dafidi u kua sanam mɛ gɔɔra bu mɔ wi ka win bw̄abu, ma ba n̄ ḡaanu mɔ ni ba koo di?

26 U dua Gusunɔn dirɔ Abiataa, ȳaku kowo tɔnweron waati, ma u pɛɛ di ye ba Gusunɔ yiiye, ye n̄ n̄ weenɛ goo u di ma n̄ kun mɔ ȳaku kowobu tɔna. Adama Dafidi u ye di, u maa win bw̄abu wɛ.

27 Ma Yesu bu sɔɔwa u nɛɛ, Gusunɔ u tɔɔ wɛrarugiru wunawa tɔnun arufaanin s̄. U n̄ tɔnu taka kue tɔɔ wɛrarugirun s̄.

28 I de i n̄ yɛ ma Tɔnun Biiwa u tɔɔ wɛrarugiru kua.



### 3

*Durɔ wɪn nɔm teu ga gu*

*(I maa mɛɛrio Mateu 12:9-14, Luku 6:6-11)*

<sup>1</sup> Ma Yesu u kpam dua mɛnnɔ yerɔ. Durɔ goo wãa mi, wɪn nɔm teu ga gu.

<sup>2</sup> Tɔmba Yesu mɛɛra bu wa ù n koo durɔ wi bɛkia tɔɔ wɛrarugiru sɔɔ, kpa bu ka wa bu nùn durum mani.

<sup>3</sup> Ma u durɔ wi sɔɔwa wɪn nɔmu ga gu mi, u nɛɛ, a seewo a yɔra suunu sɔɔ.

<sup>4</sup> Ma u tɔn be bikia u nɛɛ, mba n weenɛ bu tɔmbu kua tɔɔ wɛrarugiru sɔɔ. Gea? Nge kɔsa. N weenɛ bu tɔnu faaba ko? Nge bu nùn go.

Adama ba maari.

<sup>5</sup> Yesu u bu mɛɛra ka mɔru u ka sikerena, ma win nukura sankira ben woo bɔbunun sɔ. Yera u durɔ wi sɔɔwa u nɛɛ, a wunɛn nɔmu demia.

U ge demia ma ga wura nge mɛ ga raa sãa.

<sup>6</sup> Yen sɔna Falisiba ba yara ma ba yande menna ka Herodun tɔmbu, ba wesiana nge mɛ ba koo ko bu ka Yesu go.

*Tɔn wɔru guna ya na Yesun mi*

<sup>7</sup> Yesu ka win bwãabu ba tii gawa ba da Galilen daa bureru gia, ma tɔn wɔru guna nùn swii. Tɔn be, ba nawa Galilen di ka maa Yudean tem di,

<sup>8</sup> ka Yerusalemun di, ka Idumɛn tem di, ka Yuudenin gurun di, ka Tiri ka Sidonin baru kpaanun di. Tɔn wɔru guna ye, ya na Yesun mi yèn sɔ ba ye u mò kpuron labaari nua.

<sup>9</sup> Tɔn wɔru guna yen kpãarun saabu Yesu u win bwãabu sɔɔwa u nɛɛ, bu nùn goo nimkuu sɔɔru kuo, kpa tɔn be, bu ku nùn baasi.

10 Yesu u raa tən dabinu bekia, yen sōna be ba barə ba bərikianamə bu wa bu ka nùn baba.

11 Werekunu nùn n nùn wa nu ra nùn kpunəwa kpa nu n kuuki m̀ nu n gerumə, wuna Gusunən Bii.

12 Adama Yesu u ra nu gerusi gem gem nu ku ka gere wi u sāa.

*Yesu u bwāabu wəkura yiru gōsa*

*(I maa mērio Mateu 10:1-4, Luku 6:12-16)*

13 Yen biru Yesu u da guuru wəllə, ma u tambu gabu soka be u kī. Ma ba da win mi.

14 Yera u ben wəkura yiru gōsa, [u bu yīsiru kā gərobu], be ba ko n ka nùn wāa, kpa u bu gəri bu Labaari gea kpara,

15 kpa u bu dam wē bu ka werekunu gira.

16 Tənu wəkura yiru ye u gōsa wee, Simə wi u yīsiru kā Piεε,

17 ka Yakəbu ka win wənə Yohanu, Sebeden bibu be u yīsiru kā Buanεge, yen tubusiana guru kukirinugibu,

18 ka Andere, ka Filipu, ka Baatelemi, ka Mateu, ka Tomaa, ka Yakəbu Alufen bii, ka Tade, ka Simə wi u win tem gari kī,

19 ka sere Yudasi Isikariotu wi u tambu Yesu nəmu səndia.

*Yesun tambu ba kī*

*bu ka nùn doona*

20 Ma ba wura yenuə. Tən wəru ga wure ga menna sere Yesu ka win bwāabu ba fεε bia bu di.

21 Sanam mε win dusiba ye nua, ba da bu ka nùn doona min di, domi ba gerumə u wiirawa.

*Yesu u ka tii yinamɔ*

*(I maa mɛerio Mateu 12:22-32, Luku 11:14-23, 12:10)*

<sup>22</sup> Ma wooda yɛro be ba wee saa Yerusalemun di ba gerumɔ ba mɔ̀, Beseburu u nùn wãasiwa. Wɛrekunun sunɔ wiya u nùn dam wɛ̃ u ka wɛrekunu gira.

<sup>23</sup> Yen sɔ̀na Yesu u tɔmbu soka ma u bu bikia ka mɔ̀ndu u nɛɛ, amɔ̀na Setam ya koo kpĩ yu yen tii gira.

<sup>24</sup> Bandun tɔmbu bà n tabu mɔ̀ ben suunu sɔ̀, ban te, ta ñ kpɛ̃ tu tɛ.

<sup>25</sup> Yɛnu gèn tɔmba maa sankinamɔ̀, ga ñ kpɛ̃ gu tɛ.

<sup>26</sup> Setam yà n maa ka yen tii tabu mɔ̀, yen dam mù n bɔnu kua, ya ñ kpɛ̃ yu tɛ, yen dam mu koo nɔru ko.

<sup>27</sup> Goo kun kpɛ̃ u du damgiin yɛnuɔ u ka win yãnu gura u kun gina damgii wi bɔkue u sere win yãnu gura.

<sup>28</sup> Ka geema, na bɛɛ sɔ̀mɔ̀, toraru ka gari kam kpuro ye tɔmba gerumɔ̀, ba koo bu ye suuru kua.

<sup>29</sup> Adama baawure wi u Hunde Dɛero gari kam gerusimɔ̀, u ñ suuru wasi. Win torara ko n maa nùn wãasiwa ka baadommaɔ̀.

<sup>30</sup> Yesu u yeni geruawa yèn sɔ̀ gaba nɛɛ wɛrekuwa ga nùn wãasi.

*Berà ba sãa Yesun wɔ̀nɔbu*

*ka win mero*

*(I maa mɛerio Mateu 12:46-50, Luku 8:19-21)*

<sup>31</sup> Sanam mɛya win wɔ̀nɔbu ka win mero ba tunuma. Ba yɔ̀ra tɔ̀wɔ̀, ba goo gɔ̀ra u nùn sokuma.

<sup>32</sup> Tɔ̀n wɔ̀ru ga sɔ̀ ga nùn sikerene, ma goo u nùn sɔ̀wa u nɛɛ, wee, wunen mero ka wunen wɔ̀nɔbu ba yɔ̀ tɔ̀wɔ̀ ba nun soku.

<sup>33</sup> Ma u nεε, wara sãa nen mero. Berà ba sãa nen wɔnɔbu.

<sup>34</sup> Ma u be ba nùn suunu bure mεεra u ka sik-erena, ma u nεε, nen mero ka nen wɔnɔbu wee.

<sup>35</sup> Baawure wi u Gusunɔn kīru mɔ, wiya nen wɔnɔ, ka nen sesu, ka nen mero.

## 4

### *Dĩa bwese yēkon gari*

*(I maa mεerio Mateu 13:1-9, Luku 8:4-8)*

<sup>1</sup> Yesu u kpam Gusunɔn garin keu sɔɔsim wɔri daa burerun goorɔ. Tɔn wɔru guna ya menna ya nùn sikerena, yen sɔna u bu deri goorɔ u goo dua ge ga wãa nim sɔɔ, ma u sina.

<sup>2</sup> Ma u bu gãa dabinu sɔɔsim wɔri ka mɔnnu. Win sɔɔsibu sɔɔ u gerua u nεε,

<sup>3</sup> i swaa dakio. Durɔ goo u yara u ka dĩa bweseru yēka.

<sup>4</sup> Sanam mε u yēkamɔ, sukum wɔruma swaa sɔɔ. Gunɔsu na su di.

<sup>5</sup> Sukum gam maa wɔri kpee saara wɔllɔ mi tem kun duku. Ma mu kpia yande yèn sɔ tem kun duku.

<sup>6</sup> Adama ye sɔɔ u bɔbia mu dɔɔ mwaara ma mu gbera yèn sɔ mu n gbini mɔ.

<sup>7</sup> Sukum gam maa kpam wɔri sãki sɔɔ. Sãki kpia fuuku ma yi yina mu kpɛa. Mu n mara.

<sup>8</sup> Adama sukum gam maa wɔruma tem gem sɔɔ. Mu kpia ma mu kpɛa ma mu mara sukum ten tenibu, sukum wata wata, sukum wunɔm wunɔm.

<sup>9</sup> Ma u nεε, wi u swaa mɔ u ka nɔ, u nɔɔwɔ.

### *Mɔnnun asansi*

*(I maa mεerio Mateu 13:10-17, Luku 8:9-10)*

10 Sanam mε Yesu u tia wi turo, be ba nùn swīi ka bwāabu wākura yiru ye sannu, ba nùn mōnnun asansi bikia.

11 U bu sōwa u nεε, bεεya Gusunō u win bandun asiri sōsi, adama be ba tie ba gari kpuro nōmō ka mōnnu,

12 kpa

“Bu ka mεeri ba kun wa.

Bà n maa nua, kpa n ku bu yeeri,

kpa bu ku raa ka gōru gōsie,

Gusunō u sere bu suuru kua.”

*Mōn ten tubusianu*

*(I maa mεerio Mateu 13:18-23, Luku 8:11-15)*

13 Ma u bu sōwa u nεε, mōn teni ta ñ bεε yeeri? N n mēn na, amōna ni nu tie kpuro nu koo ka bεε yeeri.

14 Durō wi, Gusunōn gariya u yēkamō.

15 Tōn be ba ka swaa baaru weenε mi ba gari yi yēka, beya bà n gari yi nua Setam da nε u yi wuna ben gōrun di.

16 Mεya maa be ba ka kpee saaran tem weenε, beya bà n gari yi nua mii mii ba ra yi mwε ka nuku dobu.

17 Adama ba ku ra n gbini mō ben tii sō, ba ku ra yōre n ka tε. Sanam mε wahala ka nōni swāara tunuma gari yin sō, yande kpa bu biru wura.

18 Gaba maa sāa be ba ka tem sākunugum weenε. Beya ba ra gari yi nō

19 adama ba ra n wurure ka ben handunian wāaru kpa dukian kīra n bu taki dii. Ba gāa dabinun kōdε mō. Ye kpurowa ya ra gari yi tēsi kpa yi kpāna yi binu ma.

20 Be ba maa ka tem gem weene, beya ba ra gari yi nɔ kpa bu yi mwa kpa bu binu ma, gabu tena, gabu wata, gabu wunɔbu (100).

*Fitilan mɔndu*

*(I maa mɛrio Luku 8:16-18)*

21 Yera Yesu u bu bikia u nɛɛ, ba ra fitila ge ga sɔre kaaru wukiri? Ba ra gu doke kpinun kɔkɔrɔ? Ba ku ra gu sɔndi dabu wɔllɔ?

22 Gãanu sari ni nu berua ma nu n̄ koo tera, asirin gãanu maa sari ni nu n̄ koo sɔsira.

23 Wi u swaa mɔ u ka nɔ, u nɔwɔ.

24 U maa bu sɔwɔ u nɛɛ, i laakari koowo ye i nɔwɔ. Sakaku ge i ka yĩrumɔ, geya ba koo ka bɛɛ yĩrua, kpa bu bɛɛ sosia.

25 Domi wi u mɔ, wiya ba koo sosia. Adama wi u kun gãanu mɔ, piiko ye u mam mɔ ba koo n̄n ye wɔrari.

*Dĩa bwese te ba yɛkan gari*

26 Ma Yesu u nɛɛ, Gusunɔn banda sãawa nge durɔ goo wi u bweseru yɛka gberɔ.

27 U kpunamɔ wɔkuru, u seemɔ bururu. Saa ye kpurowa bwese te, ta kpiimɔ ta kpɛamɔ. U n̄ yɛ amɔna n̄ koosinamɔ.

28 Tema mu ka men tii tu kpiisiamɔ, gbiikaa kpii n̄nu, yen biru keri, dākuru kpa tu bɛm doke.

29 Sanam mɛ bɛm mu ye, kpa bu gɛ ka kɔmbɔ domi gɛɛbun sanam mu tura.

*Mutaadin biman gari*

*(I maa mɛrio Mateu 13:31-32, 34, Luku 13:18-19)*

30 Yesu u kpam wure u nɛɛ, mba sa ko ka Gusunɔn bandu weesina. Ka mɔn tera sa ko tu tubusia.

31 Ta ka mutaadin bima weenε. Bà n ye duurumɔ gberɔ, handunian gãa bweseru kpuro sɔɔ yeya ya piiburu bo.

32 Adama bà n ye duura bà n kpa ya ra kpɛyε yu ko dāru, kpa yu kãasi beke ko sere gunɔsu su sokunu ko yin kukɔsɔ.

33 Yesu u tɔn be Labaari gean gari sɔɔwa ka mɔn dabinu nge nini, nge mɛn saka ba koo kpĩ bu nɔ.

34 U n̄ ka bu gari diri kue ma n kun mɔ ka mɔndu, adama ù n tia ka win bwãabu tɔna, u ra bu kpuro tubusiewa.

*Yesu u nim kurenu marisia  
(I maa mεrio Mateu 8:23-27, Luku 8:22-25)*

35 Tɔɔ ten yoka, u win bwãabu sɔɔwa u nεε, i de su tɔbura guru giɔ.

36 Ba tɔn wɔru deri, ma ba dua goo ge sɔɔ, mi u sɔ, ba tɔburɔ sannu. Ma goosu gasu bu swĩi.

37 Suaru sɔɔ woo bɔkɔ ga na ka dam ma nim kurenu wisi goo sɔɔ sere ga kĩ gu yande nim yibu.

38 Adama Yesu u dò goo sɔɔ biruɔ u leferi wiru kpĩiri. Bwãa be, ba n̄n yamia ba nεε, yinni n n̄ nun gam sãa ye sa kam kobu dɔɔ?

39 Yera u yanda ma u woo gerusi ka dam ma u nim kurenu sɔɔwa u nεε, n tura mε, i mario sɛε.

Woo ga mari ma yande nim kurenu kpa.

40 Yera u bu bikia u nεε, mban sɔna i nanda nge mε. Amɔna i n̄ ka man naanε sãa.

41 Ben yaro sua ma ba bikianamɔ, tɔnu weren bwesera wini wi baa woo ka nim kurenu nu mɛm nɔɔwammε.

## 5

*Yesu u wεɛkunugii bεkia*

*(I maa mεerio Mateu 8:28-34, Luku 8:26-39)*

<sup>1</sup> Ba tura daa bure ten guru giɔ Gadaran temɔ.

<sup>2-3</sup> Ye Yesu u yande sara goon di yera durɔ wεɛkunugii goo u ka nùn yinna, u wee sika gian di. Sika sɔɔra u ra n wāa. Ba ku ra kpī bu nùn bɔke, baa ka yɔni.

<sup>4</sup> Domi nɔn dabira ba raa win nɔma sunnu doke, ma ba win k̄ri bɔkua ka yɔni adama u ra yɔni kasuku kpa u sun ni bɔku. Goo maa sari wi u dam mɔ u ka nùn dwiiasia.

<sup>5</sup> Saa baayere wɔkuru ka sɔ sɔ, u ra n wāawa sikan suunu sɔ ka guunu wɔllɔ u n kuuki mɔ kpa u n tii muririmɔ ka kpenu.

<sup>6</sup> Ye u Yesu wa sarun di u duka da u kpuna win wuswaaɔ.

<sup>7</sup> Ma u gbāra u nεε, mba n sun mɛnnε Yesu, Wɔrukoon Bii. Na nun suuru kanamɔ ka Gusunɔn yīsiru, a ku man toori.

<sup>8</sup> U yeni gerua yèn sɔ Yesu u raa nεε, wεɛku ge, gu yario.

<sup>9</sup> Ma Yesu nùn bikia u nεε, amɔna wunen yīsiru.

U wisa u nεε, nɛn yīsira Nɔrɔbu domi sa dabi.

<sup>10</sup> Ma u Yesu suuru kana u nεε, u ku nu tem mε yara.

<sup>11</sup> N deema kurusɔ wuu bakaru gara wāa ta dimɔ guurɔ.

<sup>12</sup> Ma wεɛku ni, nu Yesu kana u de nu da kurusɔ nin mi, nu du ni sɔ.

<sup>13</sup> Ma Yesu u dera nu da. Ma wεɛku ni, nu durɔ wi doonari nu dua kurusɔ ni sɔ. Ma kurusɔ wuu te, ta duki sure saa guuru wɔllun di daa bure te



səə. Kurusə nin geera tura nge nərəbun suba yiru (2.000) ma ta nim diira.

14 Be ba kurusə ni kpore ba duki sua, ba yen labaari kparamə wuu marəə ka baru kpaanə. Təmba da bu wa ye n koora.

15 Ba na Yesun mi, ma ba durə wi wa wi u raa wεrεku dabinu mə mi sere ba nu sokumə Nərəbu. Win laakari ya wurama, u sə u yānu doke. Sanam mεya be kpuro ba nanda.

16 Be ba wa ye n durə wεrεkunugii wi ka maa kurusə ni deema, beya ba tən be nəəsia ye n koora.

17 Ma tən be, ba Yesu kana u doona ben tem di.

18 Sanam mε Yesu u dumə goo səə, wi wεrεkunu raa wāasi mi, u nùn ayeru kana u ka nùn da sannu.

19 Adama Yesu nùn yinari. Ma u nùn səəwa u nεε, u doo yenuə wigibun mi kpa u bu nəəsia ye Yinni nùn kua kpuro ka nge mε u nùn wənwəndu kua.

20 Durə wi, u doona ma u kparamə tem mε ba ra soku Wusu wəkuru səə gāa baka ni Yesu nùn kua. Ma n təmbu kpuro maamaaki sāa.

*Yarusin bii ka kurə wi u Yesun yaberu baban gari  
(I maa mεrio Mateu 9:18-26, Luku 8:40-56)*

21 Ye Yesu u kpaam gəsirama guru ge u raa wāa, tən wəru guna maa menna win mi daa burerun goorə.

22 Durə goo wi ba ra soku Yarusi, menna yerun wirugii, u na mi. Ye u Yesu wa u kpuna win wuswaaə.

23 Ma u nùn kana gem gem u na u win bii wəndia nəma səndi wi u wasikiramə, kpa u bεkura u n wāa.

24 Yesu ka nùn da. Ma tən wəru guna nùn swīi, ya nùn baasi.

25 N deema, tən ben suunu səə kurə goo wāa mi, wi u yem wīibu barə saa wəə wəkura yirun di.

26 Timgii dabiru be ba nùn nɔ̄ri ba nùn nɔ̄ni sɔ̄wa gem gem, ma ya win ye u mɔ̄ kpuro di ma n n̄ sanɔ̄ kue adama n gɔ̄ɔgɔm mɔ̄wa n dɔ̄ɔ.

27 Ye u Yesun baaru nua u tɔn wɔru ge bukiana u nùn susi biruɔ, ma u win yaberu baba.

28 Domi u gerua win gɔ̄ruɔ u nɛɛ, baa win yaberu, wi, ù n baba u koo bɛkura.

29 Yera win yɛm w̄i bi, bu yɔra migum migum, ma u gia win wasi sɔ̄ɔ ma u bɛkurawa.

30 Ma Yesu tuba mii mii ma win dam mu sɔmburu kua. Ma u s̄ira tɔn wɔrun suunu sɔ̄ɔ u nɛɛ, wara nɛn yaberu baba.

31 Win bwãaba nùn wisa ba nɛɛ, a tɔn wɔru mɛɛrio ge ga nun mɔ̄nsi. Miya a maa bikiamɔ̄ wara nun baba?

32 U mɛɛra u ka sikerena u ka wa wi u ye kua.

33 Ma kurɔ wi, u diirimɔ̄ ka nandabu, ma u na u kpuna win wuswaaɔ yɛn s̄ɔ u yɛ ye n kooru wi sɔ̄ɔ. Ma u nùn win garin dee dee sɔ̄wa.

34 Ma Yesu nùn sɔ̄wa u nɛɛ, bii kurɔbu, wunɛn naanɛ dokebu nun bɛkia. A doo ka alafia, kpa a n bwãa do.

35 Sanam mɛ Yesu u gari yi gerumɔ̄ gaba na saa Yarusi wirugii win yɛnun di, ma ba wirugii wi sɔ̄wa ma win bii u sariru kua. Mban s̄ona u maa yinni baasimɔ̄.

36 Adama Yesu u n̄ ben gari swaa sue, ma u mɛnnɔ̄ yerun wirugii wi sɔ̄wa u nɛɛ, a ku bɛrum ko, a gesi naanɛ dokeo.

37 U n̄ dere goo u nùn ȳsiri ma n kun mɔ̄ Piɛɛ ka Yakɔbu ka Yakɔbun wɔnɔ̄ Yohanu.

38 Ye ba tura mɛnnɔ̄ yerun wirugii win yɛnuɔ, Yesu u tɔn dabiru wa ba wure bakanu mɔ̄, ba sumɔ̄ ba kuuki mɔ̄.

39 Sanam me u dua dirɔ u bu bikia u nee, mban sɔna i sumɔ, i wure me. Wɔndia wi, u n gu u dɔwa.

40 Ma ba nɔn yaakoru mɔ. Adama ye u be kpuro yara u kpa, u dera wɔndia win tundo ka win mero ka be ba waa ka wi sannu ba dua ka wi, mi wɔndia wi, u kpɔ.

41 U wɔndia win nɔmu nenua, ma u nɔn sɔwa u nee, talita kum. Yen tubusiana, wɔndia wune, na nun sɔmɔ, a seewo.

42 Ma yande wɔndia wi, u seewa u sɔimɔ, domi wɔ wɔkura yirugiiwa. Biti bu mwa sere n banda.

43 Yesu u bu sɔwa u sire u nee, bu ku raa de goo u nɔ. Ma u nee, bu wɔndia wi dɔanu wɛɛyɔ u di.

## 6

### *Nasarɛtigiba kun Yesu wure*

*(I maa mɛrio Mateu 13:53-58, Luku 4:16-30)*

1 Yesu u doona min di u da win tiin wuuɔ, ma win bwɔaba ka nɔn da.

2 Ye n kua tɔ wɛrarugiru u Gusunɔn garin keu sɔsim wari mennɔ yerɔ. Tɔn dabi te ta nɔn swaa daki, biti bu mwa. Ma ba mɔ, man diya u yenin bweseru waama. Bwisi yirɔn bwesera ba nɔn kɔ. Amɔna u ka sɔm damgii ninin bweseru mɔ.

3 N n dɔa dɔko wi mini? Maarin bii? Yakɔbu ka Yosefu ka Yudu ka Simɔban mɔ? N n bese ka win sesuba sa waa mini sannu?

Yeniban sɔna ba n nɔn naane doke.

4 Ma Yesu u bu sɔwa u nee, gam sari mi Gusunɔn sɔmɔ ku ra n bere mɔ ma n kun mɔ win tiin temɔ ka win tɔmbun suunu sɔ ka win yenuɔ.

5 Yesu u n kpɔa u sɔm damguru garu kue mi, ma n kun mɔ ye u barɔbu gabu nɔma sɔndi u ka bu bekia.

<sup>6</sup> Ma u biti kua gem gem ben naane doke sarirun sɔ̃.

*Yesu u bwãabu wɔkura yiru gɔra yiru yiru  
(I maa mɛrio Mateu 10:5-15, Luku 9:1-6)*

Yen biru Yesu u baru kpaanu daamɔ, u Gusunɔn garin keu sɔ̃simɔ.

<sup>7</sup> Ma u wɔkura yiru ye soka u bu gɔrimɔ yiru yiru. U bu dam kã wɛɛkunun wɔllo,

<sup>8</sup> ma u bu yiire bu ku gãanu kusenu ko sanum sɔ̃ ma n kun mɔ dɛki. Bu ku dīanu sua, ñ kun mɛ bɔ̃ru, ñ kun mɛ gobi yansurɔru sɔ̃.

<sup>9</sup> U nɛɛ bu salubata dokeo adama bu ku yaberu yiruse sua.

<sup>10</sup> Ma u bu sɔ̃wa u nɛɛ, ñ n wuu gagu dua, i koowo yɛnu teun sɔ̃bu sere i ka wuu ge yari.

<sup>11</sup> Bã kun bɛɛ dam koosie gam, ma ba kun bɛɛn gari swaa daki, ñ n doonɔ i bɛɛn naasun tua bu kpareo. Yeniwa n ko n sãa seeda ye ya bu taare wɛ̃mɔ.

<sup>12</sup> Yera bwãa be, ba doona, ba waasu mɔ̃ ba gerumɔ tɔmbu bu ben gɔrusu gɔsio toranun di.

<sup>13</sup> Ma ba wɛɛku dabinu giramɔ, ba maa barɔ dabinu gum tãremɔ ba bu bekiamɔ.

*Yohanu Batɛmu kowon gɔ̃  
(I maa mɛrio Mateu 14:1-12, Luku 9:7-9)*

<sup>14</sup> N wee, sunɔ Herodu u nua ye gɔro be, ba kua, domi Yesun yīsira yara. Ma ba nɛɛ, Yohanu Batɛmu kowowa seewa gɔrin di. Yen sɔ̃na u dam mɔ u ka maamaaki mɔ̃.

<sup>15</sup> Gaba nɛɛ, Eliwa.

Ma gaba maa nɛɛ, u sãawa Gusunɔn sɔ̃mɔ nge win sɔ̃mɔ yerukobu.

16 Adama ye Herodu u ye nua, u nee, Yohanuwa win wiru u dera ba bura, wiya u seewa gorin di.

17-19 N deema Herodu wi, u raa win wɔnɔ Filipun kurɔ Herodia sua kurɔ, ma Yohanu u nɔn sɔɔwa ma n n ka nɔn weene u win wɔnɔn kurɔ yenu doke. Yen sɔna Herodia u Yohanun mɔru neni, u ki u nɔn go ma u kpana. Adama Herodu u dera ba Yohanu mwa ba pirisɔm doke u ka Herodian gɔru yemiasia.

20 Domi Herodu u Yohanun beere ye. U ye ma Yohanu saa tɔn geo win wɔaru ta deere, ma u nɔn berua u ku wahala wa. U ra ka u Yohanun gari swaa daki baa me gari yi u ra nɔ, yi ra win laakari seeye.

21 Dɔma te Herodu u dim bakam kua u ka win maru tɔru yaaya, u tɔnwerobu ka tabu wirugibu ka Galilen gobigibu soka. Dɔma teya sanam Herodia naawa.

22 Ye win bii tɔn kurɔ yaabu dua u yawa, n Herodu ka win sɔbu dore. Ma Herodu u wɔndia wi sɔɔwa u nee, a man bikio ye a ki, kon nun ye ke.

23 Yen biru u gerua ka bɔri u nee, ye a bikia kpuro kon nun ke, baa n n nen tem bɔnun na.

24 Ma wɔndia wi, u yara u da u win mero bikia mba n weene u sunɔ bikia.

Ma mero u nɔn sɔɔwa u nee, u Yohanu Batemu kowon wiru bikio.

25 Yande wɔndia wi, u wura ka sendaru sunɔn mi, ma u nɔn sɔɔwa u nee, na ki a man Yohanu Batemu kowon wiru ke tɔn tɔn perenti sɔɔ.

26 Baa me sunɔ win nukura sankira gem gem, ka me, win bɔri ka win sɔbun sɔ, u n ki u nɔn yinari.

27 Ma u win kiruku turo gɔra ka wooda u ka Yohanu Batemu kowon wiru na. Ma kiruku u da u Yohanun wiru bura pirisɔm dirɔ,

28 ma u ka wii te na perenti sɔɔ u wɔndia wi wɛ, ma wɔndia maa sua u win mero wɛ.

29 Ye Yohanun bwāaba gari yi nua, ba da ba win goru sua ba sikua.

### *Yesu u tɔmbu nɔɔbun*

#### *suba nɔɔbu diisia*

*(I maa mɛrio Mateu 14:13-21, Luku 9:10-17, Yohanu 6:1-14)*

30 Gɔro be, ba wurama Yesun mi, ma ba nùn saaria kpuro ye ba kua, ka yèn keu ba sɔɔsi.

31 Ma tɔn dabira naamɔ ben mi ta wemɔ sere wi ka win bwāaba fɛɛ bia bu di. Yen sɔna u bu sɔɔwa u nɛɛ, i na su tii kara su da gbaburu gia i wɛra fiiko.

32 Ma ba goo nimkuu dua ba doona gbaburu gia, wi ka win bwāabu.

33 Adama tɔn dabira wa ba doonɔ, ma ba bu tuba. Yen sɔna tɔmba gbia ba duki da wusu kpuron di mi Yesu ka win bwāaba dɔɔ.

34 Ye Yesu u yara goon di u tɔn wɔru guna wa, ma u yen wɔnwɔndu wa yèn sɔ ba sãa nge yãanu ni nu kun kparo mɔ. Ma u bu gãa dabinu keu sɔɔsim wɔri.

35 Ye sɔɔ yãara win bwāaba nùn susi ba nɛɛ, yam mi gbabura, sɔɔ wee maa yãara.

36 A de tɔn be, bu da baru kpaanɔ ka wuu si su wãa turuku bu dwe ye ba koo di.

37 Adama u bu sɔɔwa u nɛɛ, i bu dīanu wɛɛyɔ bɛɛn tii.

Ba nùn bikia ba nɛɛ, a kī su sɔɔ goobun (200) sɔmburun gobi sua su da su ka pɛɛ dwe kpa su bu wɛ bu di?

38 Ma Yesu u bu bikia u nɛɛ, pɛɛ nyewa i mɔ. I doo i wa.

Ye ba wa ba nɛɛ, pɛɛ nɔɔbuwa ka maa swɛɛ yiru.

39 Ma u win bwāabu yiire bu tən be sinasia wuu wuuka yaka bekusu sɔɔ.

40 Ma ba sina wuu wuuka gam wunɔbu (100), gam weeraakuru.

41 Yera Yesu u pɛɛ nɔɔbu ye sua ka swɛɛ yiru ye, ma u win nɔni sua wɔllɔ u Gusunɔ siara. Ma u pɛɛ ye murura u win bwāabu wɛɛmɔ bu tən be yabua. U maa swɛɛ yi bɔnu kua tɔmbu kpuro bu ka wa.

42 Ma be kpuro ba di ba deba.

43 Ma win bwāaba pɛɛ ka swɛɛn sukum gura ye tɔmba di n tiara ma n yiba birenu wɔkura yiru sɔɔ.

44 Be ba pɛɛ ye di sɔɔ, tən durɔbun geera tura nɔrɔbun suba nɔɔbu (5.000).

*Yesu u sɔimɔ nim wɔllɔ*

*(I maa mɛriɔ Mateu 14:22-33, Yohanu 6:15-21)*

45 Ye ba kpa yande, Yesu u win bwāabu sɔɔwa bu goo nimkuu duo bu nùn gbiiya guru giɔ Besaida gia kpa win tii u n tən be yarinasiama.

46 Ye u tən be nɔɔ kana u kpa, u doona guurun bera gia u ka kanaru ko.

47 Sanam mɛ yam tɔra bwāa be, ba wāa goo nimkuu sɔɔ daa burerun suunuɔ, ma Yesu tia wi turo guruɔ.

48 U wa ma ben sɛsɛra kun maa nim muramɔ yèn sɔ woo damguu ga ka bu yinnamɔ. Sanam mɛ yam saram dɔɔ, ma u bu turuku kooma u sɔimɔ nim wɔllɔ u kɔ u bu gbiiri.

49 Adama ye ba nùn wa u sɔimɔ nim wɔllɔ ba tamaa siiniwa, ma ba nɔɔguru sua,

50 domi be kpuro ba nùn waamɔ ma ba nanda. Ma yande Yesu ka bu gari kua u nɛɛ, nɛna, i de bɛɛn laakari yu wurama, i ku nanda.

51 Ma u dua ben goo sɔɔ ma woo ga mari. Yera biti bu mwa n banda,

52 domi pɛɛ yen sɔm maamaakigira kun bu yeeri ben laakari sarirun sɔ.

*Yesu u barɔbu bekia Genesaretin temɔ  
(I maa mɛrio Mateu 14:34-36)*

53 Sanam mɛ ba tɔbura ba kpa, ba tura Genesaretin temɔ, ma ba gooru girari.

54 Ye ba yara goon di, migum migum tɔmba Yesu tuba.

55 Yera tem mɛn tɔmbu kpuro ba duki daamɔ ma ba ka ben barɔbu naamɔ baama kpuron di Yesun mi, mi ba gesi nua u wɔa.

56 Yam kpuro mi Yesu u da, baru kpaanɔ ka wuu marosɔ ka gberu kpaanɛba sɔɔ ba ra ka barɔbu nɛwa ben yaaraɔ kpa bu nɔn kana u de bu gesi win yaberun swaa bua baba. Be ba maa ye baba kpuro ba bekura.

## 7

*Sikadoban deema  
(I maa mɛrio Mateu 15:1-9)*

1 N wee, Falisiba ka wooda yɛrobu gabu be ba na Yerusalemun di, ba mɛnna Yesun mi.

2 Ba wa win bwɔabu gabu ba dimɔ ka nɔm gbeba, ba n niɛ.

3 N deema Falisiba ka maa Yuuba be ba tie ba ben sikadoban deema swii. Bɔ kun niɛ wasa wasa ba ku ra gɔanu di.

4 Mɛya maa, bɔ n yara ba wurama tɔwɔn di, bɔ kun wobura ba ku ra di. Gɔa dabina ba ra maa ko ni nu sɔa ben deema nge nɔrin teabu, ka wekenu, ka maa gbɛa ye ba kua ka sii gandu.



<sup>5</sup> Yen sōna Falisiba ka wooda yērobu ba Yesu bikia ba nεε, mban sōna wunen bwāaba ku ra sikadoban deema swīi. Mban sōna ba ra di ka nām gbeba.

<sup>6</sup> Ma Yesu u bu wisa u nεε, Esai u raa Gusunōn gari gerua sāa sāa bεε murafitiban sō sanam mε u yorua, “Gusunō u nεε,

bwese teni ta man bεεε wēemō ka nō.

Adama ten gōru ga ka man toma.

<sup>7</sup> Kama ta man sāmō.

Domi tōmbun woodawa ya kua ben sōsiru.”

<sup>8</sup> Ma Yesu u nεε, i Gusunōn wooda derimō, ma i tōmbun komanu swīi.

<sup>9</sup> U maa bu sōwa u nεε, anna a bwisi wa, ma i Gusunōn wooda yina ma i bεen deema swīi.

<sup>10</sup> Domi Mōwisi u gerua u nεε, “A wunen tundo ka wunen mero bεεε wēeyō.” Ma u kparam nεε, “Wi u win tundo ñ kun mε win mero kōsa gerusi, ba koo yēro gowa.”

<sup>11</sup> Adama bεε i gerumō ma goo ù n win tundo ñ kun mε win mero sōwa u nεε, win dukia ye u koo kpī u ka nùn somi, koobaniwa, yen tubusiana ya kua Gusunōgia,

<sup>12</sup> n ñ maa weene yēro wi, u win tundo ñ kun mε win mero somi.

<sup>13</sup> Nge mēya i Gusunōn gari tēsimō ma i bεen deema swīi ye ba bεε deria. I maa gāa dabinu ganu mō ni nu ka ye weene.

*Ye ya tōnu mō disigii*

*(I maa mērio Mateu 15:10-20)*

<sup>14</sup> Ma Yesu u kparam tōn wōru soka win mi, ma u bu sōwa u nεε, i man swaa dakio bεε kpuro i nō.

15 Gãa tǎǎkinu sari ni nu dumǎ tǎnu sǎǎ ni nu koo kpĩ nu nùn ko disigii. Adama gãa ni nu yarimǎ tǎnu sǎǎn di, niya nu nùn mǎ disigii. [

16 Goo ù n swaa mǎ u ka nǎ, u nǎǎwǎ.]

17 Sanam mε u tǎn wǎru guna ye deri u dua yenuǎ, win bwǎaba nùn mǎn ten tubusianu bikia.

18 U bu sǎǎwa u nεε, bεεn tii i maa sǎa bwisi sarirugibu? I ñ tuba ma gãa tǎǎkinu ni nu dumǎ tǎnu sǎǎ nu ñ kpε nu nùn ko disigii?

19 Domi dǎanu kun dumǎ win gǎru sǎǎ ma n kun mǎ win nukurǎ, kpa nu kam ko.

Nge meya Yesu u bu sǎǎsimǎ ma dǎanu kpurowa nu dεεre.

20-21 Ma u nεε, gãa ni nu yarimǎ tǎnun gǎrun di niya nu nùn mǎ disigii. Niya bwisiku kǎsunu ka kǎǎ mennabu tantanaru sǎǎ ka gbena ka tǎn goobu (200)

22 ka sakararu ka kǎdε ka nuku kǎsuru ka taki ka kom bεrεteke ka nǎnu ka tǎn sankubu ka tii suabu ka atafiru.

23 Gãa kǎsu ni kpuro nu yarimǎwa tǎnu sǎǎn di ma nu yεro mǎ disigii.

### *Kurǎ sǎǎ goo u Yesu naanε doke*

#### *(I maa mεrio Mateu 15:21-28)*

24 Ma Yesu u swaa wǎri u doona Tirin tem gia. U dua yenu gagu sǎǎ, u ñ kǎ goo u n yε adama u ñ kpĩa u kuke.

25 Ma kurǎ goo win bii tǎn kurǎ sǎa wεrekunugii, u nua ba Yesun gari mǎ, ma u na u kpuna win wuswaaǎ.

26 Kurǎ wi, u sǎawa Gεrεki wi ba mara Fenisiǎ, Sirin tem sǎǎ. U Yesu kanamǎ u nùn win biin wεreku gira.

27 Adama Yesu nùn sǎwá u nɛɛ, n weenɛ bu gina bibu dǎanu wɛ, domi n ñ wǎ bu bibun dǎanu sua bu bǎnu kǎwá.

28 Ma u Yesu wisa u nɛɛ, mɛya Yinni, adama baá bǎw binu nu ra bibun dǎa buri dǎbiri tabulun kǎkǎw.

29 Yesu u nùn sǎwá u nɛɛ, wisi bin sǎ, a wio. Wɛɛku ge, ga wunen bii doonari.

30 Ye u tura yenuw u deema bii wi, u kpǐ kpín yerw, wɛɛku ge, ga nùn doonari.

### *Yesu u durw soso goo bekia*

31 Yen biru Yesu u gǎsirama Tirin tem di u dǎw Galilen daa bureru gia. Nge mɛ u dǎw u Sidonin tem ka tem mɛ ba mǎ Wusu wǎkuru bukiana.

32 Yera gaba ka soso goo na win mi, wi u ku ra kpǐ u gari ko sǎa sǎa. Ma ba Yesu kana u nùn nǎma sǎndi u bekia.

33 U ka nùn da bee tia mi n ka tǎn wǎru toma, ma u win niki binu doke soso win swasu sǎw. Ma u yǎatam sia u ka win yara baba.

34 Ma Yesu u nǎni sua wǎllw, u wom mwɛ, ma u nɛɛ, Efata, yen tubusiana swasu su wukiaro.

35 Mii mii ma durw win swasu wukiara, win yara dɛnda, ma u gari kobu wǎri dee dee.

36 Yesu bu yiire bu ku raa goo sǎ adama nge mɛ u bu sǎmw kpeetim sari, mɛya ba maa gerumw kpeetim sari.

37 Ma biti baka bu mwa n banda ma ba gerumw ba mǎ, ye u mǎ kpuro gǎa burana. U mam derimw sosoba gari nǎmw. Be ba ku ra raa maa gere, ba gerumw.

## 8

*Yesu u tǎmbu nǎrǎbun**suba nne diisia**(I maa mǎerio Mateu 15:32-39)*

<sup>1</sup> Sanam dǎǎ sanam wee, tǎn wǎru guna ya kpam mǎnna win mi. N deema ba ñ mǎ ye ba koo di. Yera Yesu u win bwǎabu soka u nǎǎ,

<sup>2</sup> tǎn wǎru gen wǎnwǎnda man mǎ domi yen sǎǎ ita wee mǎn di ba ka man wǎǎ. Ba ñ maa gǎanu mǎ ni ba koo di.

<sup>3</sup> Nǎ n maa nǎǎ bu wio, ba kun gǎanu di ba koo wǎruku swaa sǎǎ, domi mǎn di ben gaba na, n toma.

<sup>4</sup> Ma win bwǎaba nǎn bikia ba nǎǎ, mana sa ko pǎǎ wa gbabu teni sǎǎ ye ya koo tǎn beni debia.

<sup>5</sup> Yesu bu bikia u nǎǎ, pǎǎ nyewa i mǎ.

Ma ba nǎǎ, nǎǎba yiru.

<sup>6</sup> Yera u tǎn wǎru ge sǎǎwa gu sino temǎ. Ma u pǎǎ nǎǎba yiru ye sua, u Gusunǎ siara, ma u ye murura u win bwǎabu wǎ bu tǎn be yabua. Ma ba ye tǎn wǎru ge bǎnu kua.

<sup>7</sup> Ba maa swǎǎ piiminu ganu mǎ. Ma Yesu u Gusunǎ siara nin sǎ, ma u win bwǎabu sǎǎwa bu maa ni tǎn be yabuo.

<sup>8</sup> Ba di ba deba. Ma bwǎaba sukum mǎ n tie gura ma n yiba birenu nǎǎba yiru sǎǎ.

<sup>9</sup> Tǎn ben geera tura nge nǎrǎbun suba nne (4.000). Yen biru Yesu u bu yarinasia.

<sup>10</sup> Mii mii wi ka win bwǎabu ba goo nimkuu dua ba da tem gam gia mǎ ba ra soku Damanuta.

*Falisiba ba yǎreru bikiamǎ**(I maa mǎerio Mateu 16:1-4)*

11 Miya Falisi gaba na Yesun mi, ma ba ka nùn sikirinɔ wəri. Ba nùn bikia u bu sɔ̄si ka yĩreru ma win dam weewa wɔ̄llun di. Ba gerua mɛ bu ka win laakari mɛeri.

12 Yera u wom mwɛ ma u bu bikia u nɛɛ, mban sɔ̄na tɛ̄n tɔ̄n beni ba yĩreru bikiamɔ. Ka geema, na bɛɛ sɔ̄mɔ, yĩreru garu sari te ba koo bu sɔ̄si.

13 Ma u bu deri, u kɔ̄m goo nimkuu dua u ka tɔ̄bura guru giɔ.

*Falisiban pɛɛ seeyatia ka Herodugia*

*(I maa mɛriɔ Mateu 16:5-12)*

14 Bwãa be, ba duari bu pɛɛ kusenu ko. Tia tɔ̄nawa ba mɔ goo nimkuu sɔ̄.

15 Yesu bu yiire u nɛɛ, i bɛɛn tii laakari koowo kpa i n Falisiban pɛɛ seeyatia geri ka maa Herodugia.

16 Ma ba gerunamɔ ben tii tiine sɔ̄ ba nɛɛ, yèn sɔ̄ ba n̄ pɛɛ mɔ yen sɔ̄na u gerua mɛ.

17 Yesu u tuba ye ba gerunamɔ ma u nɛɛ, mban sɔ̄na i gerumɔ i nɛɛ, yèn sɔ̄ i n̄ pɛɛ mɔ yen sɔ̄na. I n̄ gie? N n̄ bɛɛ yeeri gina? Bɛɛ swaa taoba rɔ?

18 I n̄ nɔ̄ni mɔ rɔ? I ku ra yam wa? I n̄ swasu mɔ? I ku ra gari nɔ? I n̄ yaaye

19 dɔ̄ma te na pɛɛ nɔ̄bu murura tɔ̄mbu nɔ̄rɔbun suba nɔ̄bun (5.000) sɔ̄? Birenu nye sɔ̄ra i gure ye ba di n tia.

Ba nùn wisa ba nɛɛ, wɔ̄kura yiru.

20 Yesu u kɔ̄m bu bikia u nɛɛ, ye na pɛɛ nɔ̄ba yiru murura tɔ̄mbu nɔ̄rɔbun suba nɛ̄n (4.000) sɔ̄, birenu nye sɔ̄ra i gure ye ba di n tia.

Ba nɛɛ, nɔ̄ba yiru.

21 Ma u nɛɛ, n n̄ bɛɛ yeeri ka tɛ̄?

*Yesu u wɔ̄ko bekia Bɛsidaɔ*

22 Sanam me ba tura wuu ge ba ra soku Besaidə, tambu gaba ka wōko goo na Yesun mi ma ba nūn kana u nūn baba.

23 U wōko win noma nenua u ka da wuun biruə. Yen biru u yāatam sie win nōniə ma u yi noma səndi u nee, a gāanu waamə?

24 Durə wi, u nōni wukia u nee, na tambu waamə. Ba ka dānu weene ba sīimə.

25 Ma Yesu kram win noma səndi wōko win nōni wəllə. Ye u yāatem nōni girari, u bekura ma u kpuro waamə sāa sāa.

26 Yesu nūn sōwa u wio, u ku maa wura wuu nukurə.

*Pi ee nee Yesu u sāawa wi Gusunə u gəsa*

*(I maa mērio Mateu 16:13-20, Luku 9:18-21)*

27 Sanam meya Yesu u doona ka win bwāabu Sesareə, Filipin tem gia. Ma swaa sōə u win bwāabu bikia u nee, na nee ya? Wara tamba gerumə na sāa.

28 Ba nee, gaba gerumə Yohanu Batemu kowowa, gaba maa gerumə Eliwa, ma gaba kram gerumə a sāawa Gusunən səməbun turo.

29 Ma u bu bikia u nee, to, bee maa ni, aməna been tii i gerumə.

Pi ee nūn wisa u nee, a sāawa Kirisi wi.

30 Yera Yesu u bu gerusi u nee, bu ku raa ye goo sō.

*Yesu u win gəə ka win seebun gari mə*

*(I maa mērio Mateu 16:21-28, Luku 9:22-27)*

31 Ma u bwāa be sōbu wəri u nee, Tənun Bii u n koo ko u kun nōni swāa bakaru wa kpa guro gurobu ka yāku kowo tənwerobu ka wooda yērobu bu nūn yina kpa bu nūn go, adama u koo se gərin di sō itase.

<sup>32</sup> U gari yi geruawa kpasasa. Yera Piεε ka nùn da bōkuo ma u nùn gerusibu wəri.

<sup>33</sup> Adama Yesu sīra u win bwāabu mεεra ma u Piεε gerusi u nεε, a dεsiro nεn birun di Setam, domi wunεn bwisikunu kun sāa Gusunoginu, nu sāawa tōnuginu.

<sup>34</sup> Yen biru Yesu u tōn wōru soka ka win bwāabu sannu, ma u nεε, goo ù n kī u nεn yira swīi nge bōo, u win gōru kīru derio kpa u win tiin dāa bunanaru sua kpa u man swīi.

<sup>35</sup> Domi baawure wi u kī u win wāaru di ka win gōru kīru, u koo tu bia. Adama baawure wi u win wāaru yina nεn sō ka nεn Labaari gean sō, wiya u koo tu wa ka gem.

<sup>36</sup> Arufaani yerà tōnu u mō, baa ù n handunian gāanu kpuro wa, ma u win wāaru bia.

<sup>37</sup> Mba tōnu u koo ka win wāaru kōsina.

<sup>38</sup> N n mēn na, baawure wi u nεn sekuru mō ka maa nεn gari tēn tōn kōsobun suunu sōo, be ba ñ ka Gusunō turo yō, Tōnun Bii u koo win sekuru ko ù n wurama win Baaban yiiko sōo ka Gusunōn gōrado dεerobu sannu.

## 9

<sup>1</sup> U kpam bu sōowa u nεε, ka geema na bεε sōomō gabu be ba yō mini, ba koo wa Gusunō u bandu swīi ka ten yiiko bu sere gbi.

*Yesun wasi gōsia*

*(I maa mεerio Mateu 17:1-13, Luku 9:28-36)*

<sup>2</sup> Sōo nōoba tian biru, Yesu u ka Piεε ka Yakōbu ka Yohanu da bee tia, ma u bu kpara u ka da guu bakaru garun wōllō be tōna. Nge mε ba nùn mεera ba wa win wasi gōsia tuki.

<sup>3</sup> Win yānu maa ballimə gem gem ma nu burura fem fem. Goo sari handunia mi, wi u koo kpĩ u bekuru tea tu burura nge mən bweseru.

<sup>4</sup> Yen biru Eli ka Məwisi ba bu kurema ba ka Yesu gari mə.

<sup>5</sup> Ma Piεε u Yesu sɔɔwa u nεε, Yinni, n wā sa n wāa mini. A de su kunu ita ko, teeru wunεgiru, teeru Məwisigiru, teeru maa Eligiru.

<sup>6</sup> U yeni gerua yèn sɔ u n̄ yē ye u koo gere, domi ba nanda gem gem.

<sup>7</sup> Ma guru wira na ta bu wukiri, ma ba nɔɔ gagu nua guru wii ten min di ga nεε, winiwa nən Bii kīnasi, i wigii swaa dakio.

<sup>8</sup> Mii mii ye bwāa be, ba mεεra ba ka sikerena, ba n̄ maa goo wa ma n kun mə Yesu turo ka be.

<sup>9</sup> Nge mε ba sarə guurun di, Yesu u bu yiire bu ku goo sɔ ye ba wa sere Tɔnun Bii u ka se saa gərin di.

<sup>10</sup> Ba kua ye u bu yiire adama ba bikianamə ben tii tiinε sɔɔ ba nεε, mba seebu gərin din tubusianu.

<sup>11</sup> Ma ba n̄n bikia ba nεε, mban sɔna wooda yēroba gerumə ma Eliwa koo gbi u na.

<sup>12</sup> U bu wisa u nεε, mεya Eliwa koo gbi u na u baayere kpuro wesia nge mε ya raa sāa. N n mən na, mban sɔna Gusunən gari maa Tɔnun Biin gari gerumə yi nεε, u n̄ koo ko u kun nən̄i sɔɔre gem gem, kpa bu n̄n gem.

<sup>13</sup> Adama na bεε sɔɔmə, Eli u na kə ma ba n̄n kua nge mε ba kī, nge mε Gusunən gari yi win gari gerumə.

*Yesu u bii wi wεrεku ga wāasi bεkia  
(I maa mεerio Mateu 17:14-21, Luku 9:37-43a)*



14 Sanam mε ba wurama bwāa be ba tien mi, ba tən wəru wa ga bu sikerenε, ma wooda yēroba ka bu sikirinamō.

15 Ye tən be kpuro ba Yesu wa, ba biti soora too too, ma ba duki daamō win mi bu ka nùn təbiri.

16 Ma u win bwāabu bikia u nεε, mban sikirinōwa i mō bεε ka be.

17 Tən wəru ge sōn di goo u nùn wisa u nεε, yinni, na ka nun nən bii naawawa yèn sō u wεreku mō ge ga yinamō u gari gere.

18 Baama mi ga nùn seeri ga ra nùn surewa temō, kpa u yāatam pəkeru yari u n donnu temmō kpa u bemi. Na maa wunen bwāabu kana bu gu gira adama ba kpna.

19 Ma Yesu u bu wisa u nεε, bεε tən naanε doke sarirugibu, sere saa yerà ko na n ka bεε wāa. Sere domma ko na n ka bεε temanε. I ka man bii wi naawa mini.

20 Ma ba ka nùn da win mi. Ye wεreku ge, ga Yesu wa, yande, ga bii wi sura temō ka dam u bindimō ma u yāatam pəkeru yarimō.

21 Yesu bii win baa bikia u nεε, saa domman diya yeni ya nùn deema.

Ma u nεε, saa win birun diya.

22 Kiri kiri ga ra nùn sure dōō sōō, n̄ kun mε nim sōō, kpa ga n kī gu nùn kam koosia. Adama à n kaa kpī a gāanu ko, a besen wənwəndu waawo, kpa a sun faaba ko.

23 Ma Yesu u nùn sōōwa u nεε, a nεε, nà n kon kpī ro! Wi u naanε doke, kpuro n koo nùn koora.

24 Ma bii win baa u nōogiru sua u nεε, na naanε doke, a man somiō kpa nən naanε dokebu bu sosi.

25 Ye Yesu wa ma tən wəru ga duki naamō ga mennamō u wεreku ge gerusi u nεε, wεreku wunε,

wunε wi a ra tɔnu ko soso kpa u kpana u gari gere, a bii wi doonɔ, a ku ra maa wuramε win mi.

26 Yera ga bii wi sura ka dam, ma ga kuuki mɔ ga ka doonɔ. Ma bii wi, u kua nge goru sere tɔn dabira mɔ, u guwa.

27 Adama Yesu u win nɔmu nɛnuu u seeya, ma u yɔra.

28 Sanam mε Yesu u dua yɛnuɔ tɔn tuko goo kun maa ka bu wāa, win bwāaba nùn bikia ba nεε, mban sōna be, ba kpana bu wεreku ge gira.

29 Ma u bu sōwa u nεε, wεreku genin bwesera ku ra doonε ma n kun mɔ ka kanaru.

*Yesu u kpan win gɔɔ*

*ka win seebun gari mɔ*

*(I maa mεrio Mateu 17:22-23, Luku 9:43b-45)*

30 Yen biru ba doona min di, ma ba Galilen tem bukiana. N deema u n kī goo u n yε mi u wāa,

31 domi u win bwāabu sōmɔ u mɔ, ba koo Tɔnun Bii tɔmbu nɔmu sɔndia bu nùn go, adama sō itase u koo se gɔrin di.

32 Ye u gerua mi, ya n bu yeeri. Ma ba bεrum mɔ bu ka nùn yen tubusianu bikia.

*Wara gisonkoru bo*

*(I maa mεrio Mateu 18:1-5, Luku 9:46-48)*

33 Ma ba tura Kapenamɔ. Saa ye u wāa yɛnuɔ u bu bikia u nεε, mba ba sikirinεmɔ swaa sɔɔ.

34 Adama ba mari sō yèn sō swaa sɔɔ ba sikirinamɔwa ba n ka yε ben suunu sɔɔ wi u bo.

35 Ma u sina u wɔkura yiru ye soka u bu sōwa u nεε, goo ù n kī u ko be kpuron wirugii, u koowo be kpuron biruko ka be kpuron sɔmɔ.

<sup>36</sup> Yera u bii piibu gagu nōmu nenua u ka na ben suunu sɔɔ. U nūn sua ma u bu sɔɔwa u nɛɛ,

<sup>37</sup> baawure wi u bii winin bweseru wura nɛn yĩsirun sɔ, nɛna u wura. Baawure wi u maa man wura, n n̄ nɛ turo u wura, u maa wi u man gɔrima wurawa.

*Wi u kun ka sun yiberɛ tɛɛru nɛni, bɛsɛgiwa  
(I maa mɛɛrio Luku 9:49-50)*

<sup>38</sup> Yohanu nūn sɔɔwa u nɛɛ, Yinni sa goo wa u wɛɛkunu giramɔ ka wunen yĩsiru, ma sa nūn yinari yɛn sɔ u n̄ nun swĩi ka bɛsɛ sannu.

<sup>39</sup> Adama Yesu u nɛɛ, i ku yɛro yinari, domi goo sari wi u koo maamaaki ko ka nɛn yĩsiru, ù n kpa u n yande nɛn kɔsa gerumɔ.

<sup>40</sup> Domi wi u kun ka sun yiberɛ tɛɛru nɛni bɛsɛgiwa.

<sup>41</sup> Ka geema, na bɛɛ sɔɔmɔ, baawure wi u bɛɛ nim kã i nɔra yɛn sɔ i sãa Kirisigibu yɛro u koo win are wa.

*Torarun barberu  
(I maa mɛɛrio Mateu 18:6-9, Luku 17:1-2)*

<sup>42</sup> Adama baawure wi u bii piimii ni nu man naanɛ doke min teu torasia, n sanɔ bu nūn nɛɛru gbɛnɛsia win wĩirɔ, kpa bu nūn kpɛɛ nim wɔku sɔɔ.

<sup>43-46</sup> N n̄ mɛn na, wunen nōmu n̄ kun mɛ wunen nɔɔ teu gà n̄ nun torasia a gu buro. N sanɔ bo a ka nɔm teu n̄ kun mɛ naa teesu wãaru wa te ta ku ra kpe, n kere a n̄ nɔma yiru ka naasu yiru mɔ kpa bu nun kpɛɛ dɔɔ sɔɔ [mi kɔkɔ ni nu ko n̄ ben wasi dimɔ nu n̄ gbimɔ, ka mi dɔɔ kun gbimɔ.]

<sup>47</sup> N n̄ maa wunen nɔnɔn na, ga nun torasia a gu wɔwo. N sanɔ a n̄ nɔnu teu mɔ a ka da mi Gusunɔ

u bandu swĩi ka sere a n nani yiru mɔ kpa bu nun  
kpɛɛ dɔɔ sɔɔ,

<sup>48</sup> mi kɔkɔ ni nu ko n ben wasi dimɔ nu n gbimɔ  
ka mi dɔɔ kun gbimɔ.

<sup>49</sup> Domi ba koo baawure dɔɔ wisi nge mɛ ba ra  
bɔru yɛke dīanu wɔllɔ.

<sup>50</sup> Bɔru \* gāa geena, adama bɔru tà n nɔɔ gu, ka  
mba ba koo kpam tu dorasia. I n bɔru mɔ bɛɛn tii  
sɔɔ, kpa i n nɔɔ nɛ bɛɛn tii tiine sɔɔ.

## 10

*Yesu u yinanaan gari mɔ*

*(I maa mɛɛrio Mateu 19:1-12, Luku 16:18)*

<sup>1</sup> Yen biru Yesu doona min di u da Yudean temɔ  
ka Yuudenin guruɔ. Tɔn wɔru guna kpam menna  
win mi. Nge mɛ win dɔɔnɛ u kpam bu Gusunɔn  
garin keu sɔɔsimɔ.

<sup>2</sup> Falisi gaba na win mi bu ka win laakari mɛɛri.  
Ba nùn bikia ba nɛɛ, wooda ya koo wura tɔnu u win  
kurɔ yina?

<sup>3</sup> U bu wisa u nɛɛ, wooda yerà Mɔwisi u bɛɛ wɛ.

<sup>4</sup> Ba nɛɛ, u nɛɛwa durɔ u yinanaan tireru yore kpa  
u de win kurɔ u doona.

<sup>5</sup> Ma Yesu bu sɔɔwa u nɛɛ, bɛɛn woo bɔbunun  
sɔna Mɔwisi u bɛɛ wooda ye yorua.

<sup>6</sup> Adama sanam mɛ Gusunɔ u handunia taka kua  
u tɔmbu taka kuawa durɔ ka kurɔ.

<sup>7</sup> Yen sɔna durɔ u koo win tundo ka win mɛro deri  
kpa wi ka win kurɔ ba n maninɛ,

<sup>8</sup> kpa be yiru kpuro bu ko wasi tee. Nge mɛya, ba  
n maa sãa tɔmbu yiru ma n kun mɔ tɔn turo.

\* **9:50 bɔru** - Bɔɔ te ba ka yā mini ta ka bɔɔ swāaru weene. Ta koo  
kpī tu nɔɔ gbi.

<sup>9</sup> N n mɛn na, tɔnu u ku maa karana ye Gusunɔ u mɛnna.

<sup>10</sup> Sanam mɛ Yesu ka win bwãabu ba wura yenuɔ, ba nùn gari yin tubusianu bikia.

<sup>11</sup> Ma u bu sɔwa u nɛɛ, baawure wi u win kurɔ yina ma u kpao sua, u sakararu kuawa.

<sup>12</sup> Kurɔ goo ù n maa win durɔ yina ma u kpao sua, sakarara u kua.

*Yesu u bibu kanaru kua*

*(I maa mɛriɔ Mateu 19:13-15, Luku 18:15-17)*

<sup>13</sup> Yera tɔmba ka bibu na win mi u ka bu baba. Adama win bwãaba bu gerusi.

<sup>14</sup> Ye Yesu wa ye ba mɔ u mɔru bara, ma u bu sɔwa u nɛɛ, i bibu derio bu na nɛn mi, i ku bu yinari, domi Gusunɔ u bandu swĩ tɔmbun sɔ be ba sãa nge bibu.

<sup>15</sup> Ka geema na bɛɛ sɔmɔ, baawure wi u kun ban te Gusunɔ u swĩ wure nge mɛ bii yãkabu ga ra gen mɔwɔbu wure, u ñ kpɛ u n sãa ban tegii.

<sup>16</sup> Yera u bibu sua, u ben baawure nɔma sɔndi, ma u bu domaru kua.

*Gobigii goon gari*

*(I maa mɛriɔ Mateu 19:16-30, Luku 18:18-30)*

<sup>17</sup> N wee, ye Yesu u kpam swaa wɔri u doonɔ, durɔ goo duka da win mi u yiira win wuswaaɔ u nɛɛ, yinni, a sãawa tɔn geo, mba kon ko n ka wãaru te ta ku ra kpe wa.

<sup>18</sup> Ma Yesu nùn bikia u nɛɛ, mban sɔna a man sokumɔ tɔn geo. Goo sari wi u sãa geo, ma n kun Gusunɔ turo.

<sup>19</sup> N ñ a wooda yɛ rò ye ya gerumɔ, “I ku tɔnu go. I ku sakararu ko. I ku gbeni. I ku goo gari mani. I ku goo taki di. I bɛɛn tundo ka mɛro bɛɛɛ wɛɛyɔ.”

20 Ma u nεε, yinni, wooda yeni kpurowa na swī nεn birun di.

21 Yera Yesu u nùn mεεra u nùn kīa ma u nεε, gāa teena nu nun tie. A doo a dɔra kpuro ye a mɔ kpa a yen gobi s̄arobu b̄onu kua. À n kua mε, kaa n dukia mɔ Gusun̄n mi. Yen biru kpa a na a man swī.

22 Adama u m̄rua gari yinin s̄ɔ, ma u doona ka nuku sankiranu domi dukia bakagiwa.

23 Yesu u yam mεεra u ka sikerena, ma u win bwāabu s̄ɔwa u nεε, n s̄ε gem gem dukiagii u ka ban te Gusun̄u u swī wura.

24 Ma biti baka bwāa be mwa win gari yin saabu. Yesu u kpam nεε, b̄ɔr̄aba, n s̄ε gem gem be ba ben naanε doke dukia s̄ɔ bu ka ban te Gusun̄u u swī wura.

25 Yen s̄εs̄ɔ ga kpā n kere yooyoo gu du yaburan w̄ɛr̄ɔ gu yari.

26 Bwāa be, ba biti soora ma ba bikianam̄ ba m̄ɔ, ñ n m̄en na, wara koo den faaba wa.

27 Yesu bu mεεra tii, ma u nεε, t̄ambun miya ya ñ koor̄ɔ, adama Gusun̄n mi ya koo koor̄a, domi Gusun̄u u ku ra gāanu ganu kpanε.

28 Ma Piεε nùn s̄ɔwa u nεε, n wee, sa kpuro deri sa nun swī.

29 Yesu nεε, ka geema na bεε s̄ɔm̄ɔ, goo ù n win kpaaru deri n̄en s̄ɔ ka Labaari gean s̄ɔ, ñ kun mε win maabu ka win w̄ɔn̄ɔbu ka win sesubu, ñ kun mε win m̄ero ka win tundo, ñ kun mε win bibu, ñ kun mε win gbea,

30 u koo kpam kpaanu wa wun̄m wun̄m t̄ε saa yeni s̄ɔ. U koo dinu wa, ka maabu ka w̄ɔn̄ɔbu ka sesubu ka m̄erobu ka bibu ka gbea, ka maa n̄oni swāaru. Sia u koo maa wāaru te ta ku ra kpe wa.

<sup>31</sup> Adama tən dabinu be ba tē sāa gbiikobu ba koo ra ko dāakobu, be ba maa tē sāa dāakobu, ba koo ra ko gbiikobu.

*Yesu u win gɔɔ ka win seebun gari m̀ ǹn itase  
(I maa m̄erio Mateu 20:17-19, Luku 18:31-34)*

<sup>32</sup> Yesu u win bwāabu gbiiye ba swaa m̀ ba dɔɔ Yerusalemuɔ. Biti win bwāabu m̀, ma be ba bu swīi ba nande. Ma Yesu kpam gɛra bee tia ka wəkura yiru ye, u bu sɔɔbu wəri ye n koo ǹn deema.

<sup>33</sup> U n̄εε, n wee, sa Yerusalemu dɔɔ mi ba koo Tɔnun Bii yāku kowo tənwerobu ka wooda yērobu n̄mu s̄ndia. Ba koo ǹn taare wē bu ka ǹn go, kpa bu ǹn tən tukobu n̄mu s̄ndia.

<sup>34</sup> Beya ba koo ǹn yaakoru ko, bu ǹn yāatam sie, bu ǹn seni so. Yen biru kpa bu ǹn go. Sɔɔ itase kpa u se gɔrin di.

*Yakɔbu ka Yohanun bikiabu  
(I maa m̄erio Mateu 20:20-28)*

<sup>35</sup> Yera Yakɔbu ka Yohanu, Sebeden bibu, ba susi Yesun b̄kuɔ ma ba n̄εε, yinni sa kī a sun kua ye sa ko nun bikia.

<sup>36</sup> Ma u bu bikia, mba i kī n b̄εε kua.

<sup>37</sup> Ba ǹn sɔɔwa ba n̄εε, a de su sina, turo wunen n̄m geuɔ turo maa wunen n̄m d̄warɔ, wunen yiiko sɔɔ.

<sup>38</sup> Yesu u n̄εε, i n̄ yē ye i bikiamɔ. I ko kpī i wahala s̄be ye kon s̄be? I ko bat̄mu ye kpī yèn bweseru ba koo man ko?

<sup>39</sup> Ba n̄εε, sa ko kpī.

Ma Yesu bu sɔɔwa u n̄εε, geema, i ko wahala wa ye kon wa, ba koo maa n̄n bat̄mun bweseru b̄εε ko,

<sup>40</sup> adama n ñ nen baa n ka gɔsi be ba koo sina nen nɔm geuɔ ka nen nɔm dwarɔ. Tɔn bèn sɔ aye ni, nu sɔɔru sãa, beya ba koo nu wa.

<sup>41</sup> Ye bwãabu wɔku te ta tie ta gari yi nua, ta ka Yakɔbu ka Yohanu mɔru kua.

<sup>42</sup> Ma Yesu u bu soka u nɛɛ, bɛɛn tii i yɛ nge mɛ be tɔn tukoba ra garisi ben tem yɛrobu, ba ra n bu dam dɔremɔ kpa ben wirugibu ba n bu taare.

<sup>43</sup> Adama n ñ sãa mɛ bɛɛn mi. Bɛɛn goo ù n kɔ̄ u ko wirugii bɛɛn suunu sɔɔ, u koowo bɛɛn sɔmɔ.

<sup>44</sup> Mɛya maa bɛɛn wi u kɔ̄ u ko gbiikoo, u koowo bɛɛ kpuron yoo.

<sup>45</sup> Domi baa Tɔnun Bii, u ñ nɛ bu ka nùn sã, u nawa u ka gabu sã, kpa u gbi u ka tɔn dabinu yakia.

*Yesu u Baatime wɔko wi bɛkia  
(I maa mɛrio Mateu 20:29-34, Luku 18:35-43)*

<sup>46</sup> Yera ba Yeriko dua. Sanam mɛ Yesu u yariɔ ka win bwãabu ka tɔn wɔru guna sannu, bara kowo wɔko goo wi ba ra soku Baatime, Timɛn bii, u sɔ swaa baarɔ.

<sup>47</sup> Ye u nua ma Yesu Nasaretigiiwa wãa mi, u nɔɔgiru sua u mɔ, Yesu, Dafidin sikadobu, a nen wɔnwɔndu waawo.

<sup>48</sup> Ma tɔn dabira nùn gerusimɔ, ba nùn sɔɔmɔ u mario. Adama u gbãramɔ too too u mɔ, Dafidin sikadobu, a nen wɔnwɔndu waawo.

<sup>49</sup> Yesu yɔra, ma u nɛɛ bu nùn sokuma.

Ba wɔko wi soka ba nùn sɔɔwa u ku mwia kpana, u seewo, Yesu u nùn soku.

<sup>50</sup> Wɔko wi, u win gɔgɔ kakia u kɔ̄ u seewa fuuku, ma u na Yesun mi.

<sup>51</sup> Ma Yesu u nùn bikia u nɛɛ, mba a kɔ̄ n nun kua.



Ma wõko wi, u nùn sɔɔwa u nɛɛ, yinni na kī n yam waWa.

<sup>52</sup> Ma Yesu u nùn sɔɔwa u nɛɛ, a doo, wunen naane dokebu nun bekia.

Mii mii u yam wa, ma u Yesu swĩi swaa yen min di.

## 11

### *Yesu u Yerusalemu dua*

*(I maa mɛerio Mateu 21:1-11, Luku 19:28-40, Yohanu 12:12-19)*

<sup>1</sup> Sanam mɛ ba Yerusalemu turuku kua Betefagi ka Betanin bɔkuɔ, ba tura Olifin guurɔ. Yera Yesu u win bwãabu yiru gɔra.

<sup>2</sup> U bu sɔɔwa u nɛɛ, i doo baru kpaɔ te i mɛera bɛɛn wuswaaɔ mi. I n dua mi, i ko ketɛku buu wa ga sɔri ge goo kun sɔnɪre, i gu sɔsɪama i ka na.

<sup>3</sup> Goo ù n bɛɛ bikia mban sɔna i gu sɔsɪamɔ, i nɛɛ, Yinniwa u gen bukata mɔ. Mii mii u koo de i ka gu na mini.

<sup>4</sup> Ma ba doona ba tura mi ba ketɛku buu ge wa ga sɔri yenu kɔnnɔn gamboɔ swaa baarɔ. Ma ba gu sɔsia.

<sup>5</sup> Gabu be ba yɔ mi, ba bu bikia, amɔna! Mban sɔna i ketɛku buu ge sɔsɪamɔ.

<sup>6</sup> Ba bu sɔɔwa nge mɛ Yesu u nɛɛ bu gere, ma ba bu deri ba ka doona.

<sup>7</sup> Ba ketɛku buu ge gawa ba ka Yesu daawa. Ma ba ben yabenu potira ba teria gen wɔllɔ, ma Yesu u nu sinari.

<sup>8</sup> Tɔn dabinu nu nin yabenu teria swaa sɔɔ, ma gaba maa bãa kakosu bɔɔrimɔ ba teriamɔ swaa mi.

<sup>9</sup> Be ba nùn gbiye ka be ba nùn swīi biruɔ, ba gbāsukumɔ ba m̀, “Baruka! U s̄awa domarugii wi u sisi Yinnin yīsiru s̄ɔɔ.

<sup>10</sup> Domarugira beɛɛn baaba Dafidin ban te ta sisi. Bu Gusunɔ siaro w̄llɔ!”

<sup>11</sup> Yera Yesu u Yerusalemu dua u da s̄a yerɔ, ma u ḡānu kpuro m̄era u ka sikerena. Adama ye u wa yam t̄ira u yara u da Betani gia ka win bw̄abu w̄kura yiru ye.

*Yesu u d̄aru garu b̄rusi  
(I maa m̄erio Mateu 21:18-19)*

<sup>12</sup> Yen sisiru, ye ba doona Betanin di, yera ḡɔra Yesu m̀.

<sup>13</sup> Ma u d̄aru garu wa sarun di te ba m̀ figie ta wurusu kpare. U da mi, u ka wa nge ta mara. Adama ye u tura mi, u ñ ḡānu ganu wa ma n kun m̄ wurusu yèn s̄ sanam m̄, mu ñ s̄a ten marubun saa.

<sup>14</sup> Yesu tu s̄ɔwa u n̄e, goo kun maa ten binu dimɔ sere ka baadom̄m̄.

Win bw̄aba maa gari yi nua.

*Yesu u dua s̄a yerɔ  
(I maa m̄erio Mateu 21:12-17, Luku 19:45-48,  
Yohanu 2:13-22)*

<sup>15</sup> Sanam m̄ ba tura Yerusalemuɔ Yesu u da s̄a yerɔ. Ma u be ba kiaru d̄aramɔ ka be ba dwemɔ mi giram w̄ri. U be ba gobi k̄sim̄on tabuluba fukura, ka totob̄ere d̄robun kitanu.

<sup>16</sup> U ñ maa dere goo u ka ḡānu bukiana s̄a yeru mi.

<sup>17</sup> Yera u t̄an be s̄ɔbu w̄ri u n̄e, ba yorua ma Gusunɔ u n̄e, “Win diru ta ko n s̄awa kanarun

diru tɔmbu kpuron sɔ̃.” Adama bɛɛ i tu kua gbɛnɔbun wɔ̃a yeru.

<sup>18</sup> Ye yɔ̃ku kowo tɔnwerobu ka wooda yɛrobu ba gari yi nua, yera ba swaa kasu bu ka Yesu go. Adama ba nɔn berum sɔ̃a domi tɔn wɔru ge, ga biti soora win keu sɔ̃sibun sɔ̃.

<sup>19</sup> Ye sɔ̃ɔ kpa, Yesu ka win bwɔ̃abu ba yara wuun di.

*Yesu ka dɔ̃a te ta gberan gari  
(I maa mɛɛrio Mateu 21:20-22)*

<sup>20</sup> Yen sisiru bururu, nge mɛ ba sarɔ, ba dɔ̃a te Yesu u bɔrusi mi wa ta gbera mam mam sere ka ten gbiniɔ.

<sup>21</sup> Yera Piɛɛ u yaaya ye Yesu raa gerua ma u nɔn sɔ̃ɔwa u nɛɛ, Yinni a figie ye mɛɛrio ye a bɔrusi, wee ya gbera.

<sup>22</sup> Yesu u bu sɔ̃ɔwa u nɛɛ, i de i n Gusunɔ naanɛ sɔ̃a.

<sup>23</sup> Ka geema na bɛɛ sɔ̃ɔmɔ, baawure wi u guu teni sɔ̃ɔmɔ tu seewo tu tii sure nim wɔku sɔ̃ɔ, ma u kun sika sika mɔ win gɔruɔ kpa u n naanɛ doke ye u gerumɔ sɔ̃ɔ mɛya n koo maa nɔn kooa.

<sup>24</sup> Yenin sɔ̃na na bɛɛ sɔ̃ɔmɔ, gɔ̃anu baanire ni i bikiamɔ kanaru sɔ̃ɔ, i naanɛ dokeo ma i nu wa i mwa kɔ, mɛya n koo maa bɛɛ kua.

<sup>25</sup> Sanam mɛ i yɔ̃ i kanaru mɔ, ì n gɔ̃anu mɔ̃sine ka goo, i gina yɛro suuru kuo, kpa bɛɛn Baaba wi u wɔ̃a wɔllɔ u maa bɛɛ bɛɛn toranu suuru kua. [

<sup>26</sup> Adama bɛɛ, ì kun gabu suuru kue, bɛɛn Baaba wi u wɔ̃a wɔllɔ, u ñ koo maa bɛɛ bɛɛn toranu suuru kua.]

*Man diya Yesu u yiiko wa  
(I maa mɛɛrio Mateu 21:23-27, Luku 20:1-8)*

<sup>27</sup> N wee, ba kpam wura Yerusalemuə. Nge mε Yesu u bəsu s̄a yerə, yāku kowo tənwerobu ka wooda yērobu ka guro gurobu ba na win mi,

<sup>28</sup> ba nùn bikia ba nεε, weren yiikowa a ka yeni m̀. Wara nun yiiko wē a ka yenin bweseru ko.

<sup>29</sup> Yesu bu wisa u nεε, kon bεε gari tia gaa bikia. I n kp̄ia i man ye wisa, sanam mεya kon bεε s̄o yiiko ye na ka yeni m̀.

<sup>30</sup> Batemu ye Yohanu u m̀, weren yiikowa u ka m̀. Gusunəgia? Nge tənugia. I man wisio.

<sup>31</sup> Ma ba wesiana ben tii tiine s̄ə ba nεε, mba sa ko nùn wisi. Tē nə? Sà n gerua sa nεε Gusunən yiikowa, u koo nεε, mban s̄na sa n̄ Yohanu naane doke.

<sup>32</sup> Sà n maa gerua sa nεε, tənugia, to.

N deema ba t̄mbun berum m̄o domi t̄mbu kpurowa ba wura kam kam ma Yohanu u s̄a Gusunən s̄əm.

<sup>33</sup> Yen s̄na ba Yesu s̄əwa ba nεε, ba n̄ yē.

Ma Yesu maa bu s̄əwa u nεε, nena kun maa bεε s̄əm w̄n yiiko na ka yeni m̀.

## 12

### *Gbaa wuko k̄sobun gari*

*(I maa mεrio Mateu 21:33-46, Luku 20:9-19)*

<sup>1</sup> Yen biru, Yesu u ka bu m̄ndu gari s̄əwa. U nεε, durə goo u gbaaru kua mi u d̄a bii duronu duura ni ba ra soku resem, ma u kara kua u ka sikerena. U maa w̄ru gba mi ba koo d̄a bii ni gama ma u gbaa k̄su yeru kua. Yera u gbaa wukobu kasu u bu ye n̄mu beria ma u wigiru doona.

2 Sanam me dāa binun səribu tura, u win səm kowo gəra gbaa wuko ben mi bu win bənu mwaaama.

3 Yera gbaa wuko be, ba səm kowo wi mwa ba so ma ba nùn gəsia nəm dira.

4 Yera u kpam bu səm kowo goo gəria ma gbaa wuko be, ba nùn so wirə ma ba nùn yaa kasiki.

5 Gbaa yēro wi, u kpam maa bu səm kowo gəria, ma ba nùn go. Meya ba ben dabinu kua, ba gabu so ba gabu go.

6 Tē, n tie gbaa yēro win bii kīnasin tii tii. Wiya u bu gəria dākuru u nεε, ba koo win biin nōnu nasia.

7 Adama gbaa wuko be, ba wesiana ba nεε, winiwa gbaa ten tubi dio. I na su nùn go kpa gbaa te, tu ko besegiru.

8 Yera ba aluwaasi wi mwa ba go. Ma ba win goru yara gbaarun di.

9 Yesu u nεε, tē, aməna gbaa yēro wi, u koo ko. U koo da u gbaa wuko be go kpa u win gbaaru gabu nəmu səndia.

10 Bεε i n̄ gari yini gara Gusunən gari səə yi yi nεε, “Kpee te banəba yina, tera ta kua gani gəmburun dam.

11 Yinniwa ye kua, ma n kua maamaaki besen nəni səə.”

12 Yera ba swaa kasu bu ka nùn mwa, domi ba tuba ma ben s̄na u mən te kua. Adama ba tən wəru nasia, ma ba nùn deri ba doona.

*W̄əə gobin kəsiabun gari*

*(I maa mεrio Mateu 22:15-22, Luku 20:20-26)*

13 Ma ba Falisi gabu ka Herodun təmbu gabu gəra Yesun mi, bu ka nùn garin yina beria.

14 Ye ba tura win mi, ba nεε, yinni, sa yē ma a ra gem gere. Meya a ku ra goon nōnu mεeri, domi a ku ra gari gere bine ka berum sō, adama a tōmbu Gusunōn swaa sōsimōwa dee dee. N weenε su tem yēro wōō gobi kōsia? Nge su ku kōsia.

15 Adama Yesu u ben murafiti te tuba ma u nεε, mban sōna i ka man garin yina beriammε. I man sii geesun gobi sōsima n wa.

16 Ba nūn sōsi. Ma u bu bikia u nεε, weren foto ka yīrera mini. Ba nūn sōōwa ba nεε, tem yērogiā.

17 Yera Yesu u bu sōōwa u nεε, i tem yēro kōsio ye ya sāa tem yērogiā kpa i maa Gusunō kōsia ye ya sāa Gusunōgiā.

Yera biti baka bu mwa n banda win sō.

### *Gōribun seebun gari*

*(I maa mεerio Mateu 22:23-33, Luku 20:27-40)*

18 Yera Sadusi be ba ra nεε, gōriba kun seemō, ba da Yesun mi, ba nūn bikia ba nεε,

19 yinni, Mōwisi u sun wooda wē u nεε, goo ù n gu ma u kurō deri, ma wi ka kurō wi, ba ñ bii mō, n weenε yēro win wōnō u kurō gōmini wi sua, kpa u ka mōō bibu marua.

20 Wee, tundo turosibu nōōba yiru gaba raa wāa. Ben gbiikoo u kurō sua ma u gu, u ñ ka kurō wi bii mara.

21 Yera ben yiruse u kurō gōmini wi sua. Win tii maa gu, u ñ ka kurō wi bii mara. Nge meya ben itasen tii,

22 sere n ka girari ben nōōba yiruse, ba ñ ka kurō wi bii mara. Be kpuron biruwa kurō win tii maa gu.

23 Dōma te gōriba koo se, tōn ben wara ko n kurō wi mō. Domi be nōōba yiru ye kpuro ba nūn yēwa kurō.

24 Yesu bu wisa u nɛɛ, i n̄ Gusun̄n gari ka win dam yɛ. N n̄ yen s̄na i tore?

25 Domi sanam mɛ ḡriba koo se dur̄bu ka kur̄bu ba n̄ maa suanam̄, ba ko n s̄awa nge Gusun̄n ḡradoba.

26 Ye n maa s̄a ḡribun seebun gari, i n̄ garire M̄wisin tireru s̄o mi aw̄i d̄ōgiin gari w̄a nge mɛ Gusun̄ u ka n̄n gari kua u nɛɛ, “Wiya Aburhamun Yinni, ka Isakin Yinni, ka Yak̄obun Yinni.”

27 Wee, Gusun̄ u n̄ s̄a ḡribun Yinni. U s̄awa wasobugii. Yenin s̄na b̄ɛn torara kp̄a.

### *Wooda ye ya bo*

*(I maa m̄ɛrio Mateu 22:34-40, Luku 10:25-28)*

28 N wee, wooda ȳero goo u ben sikirin̄ ge nua. U wa ma Yesu u Sadusi be gari gee wisa, ma u da Yesun mi u n̄n bikia u nɛɛ, woodaba kpuro s̄o yer̄a ya kere.

29 Yesu u nɛɛ, wooda ye ya kere wee. “B̄ɛ Isireliba, i swaa dakio, Gusun̄ b̄ɛn Yinni, wi turowa Yinni.

30 A Gusun̄ wunen Yinni k̄o ka wunen ḡru kpuro ka wunen bw̄era kpuro ka wunen bwisikunu kpuro ka wunen dam kpuro.”

31 Yen yiruse wee. “A wunen t̄nusi k̄o nge wunen tii tii.” Wooda gaa maa sari ye ya yeni kere.

32 Ma wooda ȳero wi, u Yesu s̄owa u nɛɛ, to, n w̄a yinni. Gema a gerua ye a nɛɛ Gusun̄ turowa w̄a, goo maa sari ma n kun m̄ wi.

33 Ma t̄nu ù n Gusun̄ k̄a ka win ḡru kpuro ka win bwisikunu kpuro ka win dam kpuro, ù n maa win t̄nusi k̄a nge win tii tii, yeya ya ȳaku d̄o mwaararuginu ka ȳaku ni nu tie kere.

<sup>34</sup> Ye Yesu u wa ma u yeni geruawa ka yērun baa, yera u nūn sōwa u nεε, a turuku kooma a ka du mi Gusunə u bandu swīi.

Yenin biru goo kun maa kāka u Yesu gāanu ganu bikie.

*Dafidi ka wi Gusunə u gəsa*

*(I maa mεerio Mateu 22:41-46, Luku 20:41-44)*

<sup>35</sup> Yen biru, nge mε Yesu u Gusunən garin keu sōsimə sāa yerə, u tambu bikia u nεε, aməna wooda yēroba koo kpī bu gere ma Kirisi u sāawa Dafidin bii.

<sup>36</sup> Dafidin tii, ka Hunde Dεeron sōsiru u nεε, “Yinni Gusunə u nən Yinni sōwa u nεε, a sinə nən nəm geuə sere n ka nun wunen yiberεba taarea.”

<sup>37</sup> Dafidin tii u nūn soka Yinni. Aməna u ko n maa ka sāa win bii.

*I tii laakari koowo*

*ka wooda yērobu*

*(I maa mεerio Mateu 23:1-36, Luku 20:45-47)*

Ma tən wəru ge, ga Yesun gari swaa daki ka nuku dobu.

<sup>38</sup> Win keu sōsibu səə u nεε, i tii laakari koowo ka wooda yērobu be ba kī ba n bəsu ka yabe dεndennu, ba maa təbirinaa kī batuma səə ka bεεε.

<sup>39</sup> Ma ba sin yee bεεεginu kī mennə yenə ka maa aye bεεεginu təə baka yerə.

<sup>40</sup> Ba gəminibun yenusu dimə ka taki ma ba kana dεndennu mə bu ka bu wan sō. Ba koo bu taarε wē n kpā.

*Gobi yi kurə gəmini goo u kpēε*

*(I maa mεerio Luku 21:1-4)*



41 Yera Yesu u da u sina s̄a yerun kpakoro te ba ra gobi doken b̄akuɔ, ma u m̄ɛra nge m̄ɛ t̄amba gobi kp̄ɛm̄ɔ te s̄ɔɔ. Gobigibu dabiru ba gobi b̄ɛk̄ɛ doke.

42 Yera ḡɔmini s̄aaro goo u na ma u gobi piiminu yiru doke mi, ȳn̄ geera s̄a nge faram yirun saka.

43 Ma Yesu u win bw̄abu soka u bu s̄ɔwa u n̄ɛɛ, ka geema na b̄ɛ s̄ɔm̄ɔ, ḡɔmini s̄aaro wini, u gobi doke kpakoro teni s̄ɔɔ n̄ t̄ambu kpuro kere.

44 Domi be kpuro, ye n̄ s̄andi ben m̄ɔɔ bakaru s̄ɔɔ, yera ba wuna ba doke, adama kur̄ɔ wi, win ȳaru s̄ɔra u kpuro kp̄ɛ ye u ka tii k̄ɔsu.

## 13

*Yesu u s̄a yerun k̄rabun gari m̄*

*(I maa m̄ɛrio Mateu 24:1-2, Luku 21:5-6)*

1 Nge m̄ɛ Yesu u yariɔ s̄a yerun di, win b̄ɔ turo u n̄ɛɛ, yinni, anna a dii bakanu wa ka nin kpee buranu!

2 Ma Yesu n̄n̄ s̄ɔwa u n̄ɛɛ, a dii baka ni wa? Baa kpee teeru ta n̄ ko n̄ s̄andi ten tensim w̄ll̄ɔ. Ba koo n̄i kpuro surawa.

*Wahala ye ya koo na handunia yu sere kpe*

*(I maa m̄ɛrio Mateu 24:3-14, Luku 21:7-19)*

3 Yen biru Yesu u da Olifin guur̄ɔ u sina u wuswaa kisi s̄a yeru gia. Yera Piɛɛ ka Yak̄ɔbu ka Yohanu ka Andere ba da be t̄ona ba n̄n̄ bikia ba n̄ɛɛ,

4 a sun s̄ɔw̄ɔ, domma yabu ye, ya koo koor̄a. Ȳre ter̄a ta koo sun s̄ɔsi ma yen saa ya tura.

5 Ma Yesu u bu s̄ɔbu w̄ri u n̄ɛɛ, i tii laakari koowo, kpa goo ku raa b̄ɛ n̄ni w̄ke.

6 T̄ɔn dabira koo na ka n̄n̄ ȳsiru ba n̄ m̄, beya ba s̄a Kirisi wi, kpa bu t̄n̄ dabinu n̄ni w̄ke.

<sup>7</sup> I n tabun damu damusu nɔɔmɔ, i ku de n bɛɛ bɛrum ko. Yeni ya n̄ koo ko ya kun koore, adama n̄ n̄ gina handunian kpeeru mi.

<sup>8</sup> Domi bwesenu koo seesina. Sinamba koo seesina. Tem yīribu ka gɔ̄ɔru ko n wāa gam ka gam. Ye kpuro n ko n s̄awa nge t̄an kur̄n nuku wuribun tore.

<sup>9</sup> Adama bɛɛ, i n bɛɛn tii sɛ. Domi ba koo bɛɛ mwa kpa bu bɛɛ siri kowobu n̄mu s̄andia. Ba koo maa bɛɛ so m̄ennɔ yenɔ, kpa bu ka bɛɛ da tem ȳrobu ka sinambun wuswaaɔ n̄n s̄o kpa i ka seeda di.

<sup>10</sup> Yu sere koor̄a mɛ ba koo gina bwesenu kpuro Labaari gea waasu kua.

<sup>11</sup> Adama sanam mɛ ba bɛɛ gawe ba ka d̄ɔɔ bu bɛɛ siri kowobu n̄mu b̄eria, i ku ḡbi i wurura ka ye i ko gere. Saa ye, yà n tunuma, i geruo ye Gusunɔ u koo bɛɛ s̄o. Domi n̄ n̄ bɛɛn tii i ko gere, ma n kun m̄o Hunde D̄ɛro.

<sup>12</sup> M̄ɔɔ ka w̄nɔ ba koo k̄arum̄t̄onu kuana bu ka ben turo go, m̄eya tundoba koo maa ben bibu kua. Bibu ba koo ben m̄ɔw̄ɔbu seesi kpa bu de bu bu go.

<sup>13</sup> T̄ɔmbu kpurowa ba ko n bɛɛ tusa n̄n ȳisirun s̄o. Adama wi u t̄mana sere ka n̄r̄ɔ, u koo faaba wa.

### *Ḡaa k̄s̄sunun gari*

*(I maa m̄ɛrio Mateu 24:15-28, Luku 21:20-24)*

<sup>14</sup> Yesu maa nɛɛ, adama i ko kam koosion bw̄aroku k̄su wa ga ȳɔ mi n̄ n̄ weenɛ ga n wāa. Wi u tire teni garim̄ɔ u tubuo s̄aa s̄aa. Sanam m̄eya n weenɛ be ba wāa Yudeaɔ bu kpikiru su bu da guunɔ.

<sup>15</sup> Kpa wi u wāa dii t̄ɛra w̄ollɔ u ku sara u du dir̄ɔ u ḡān̄u sua.

16 Wi u maa woo gberɔ u ku ɔsira yenuɔ u win yabe bakaru sua.

17 Anna kurɔ ben nɔni swāara ko n nɛ sanam mɛ, be ba guri mɔ ka be ba bibu bɔm kɛmɔ.

18 I Gusunɔ kanɔ kpɔ saa ye, yu ku raa ko woorun sanam.

19 Domi sanam mɛ sɔɔ, nɔni swāa bakara ko n wāa tɛn bweseru ta n koore saa handunian toren di sere ka ɔisɔ. Ten bwesera kun mam maa sisi.

20 Yinni ù kun daa tɔɔ te kawɛ, ɔoo kun tiarɔ. Adama wigii be u ɔɔsan sɔna u tɔɔ te kawa.

21 Saa ye sɔɔ, ɔoo ù n bɛɛ sɔɔmɔ u nɛɛ, Kirisi wi, u wāa mini, n kun mɛ u wāa miɔnɔ, i ku ra naane ko.

22 Domi Kirisi weesugibu ka sɔmɔ weesugiba koo yari. Ba koo yĩrenu ka sɔm maamaakigia ko, bu ka be Gusunɔ u ɔɔsa nɔni wɔke n n ko n koorɔ.

23 Wee, na bɛɛ yeni kpuro sɔɔwa kɔ yu sere koorɔ. Yen sɔ, i n tii sɛ.

### *Tɔnun Biin naaru*

*(I maa mɛɛriɔ Mateu 24:29-31, Luku 21:25-28)*

24 Yesu maa nɛɛ, adama saa ye sɔɔ, nɔni swāarun biru, sɔɔ u koo yam tĩra, suru kun maa waarɔ.

25 Wɔllun kperi yi koo wɔruma temɔ, kpɔ wɔllun dam mu yĩiri.

26 Saa yera ba koo Tɔnun Bii wa u kurama guru winu sɔɔ ka dam bakam ka yiiko.

27 U koo win ɔɔradoba ɔɔri handunian ɔoonu nɛɛ sɔɔ bu be u ɔɔsa mɛnna saa handunian nɔrun di sere ka wɔllɔ.

*Yĩre te dāa te ba mɔ figie*

*ta sɔɔsimɔ*

*(I maa mɛɛriɔ Mateu 24:32-35, Luku 21:29-33)*

28 Yesu maa nɛɛ, tɛ i de dāa te ba m̀ figie tu bɛɛ gari gɛɛ sɔ̄si. Sanam mɛ ta kpararu torua, i yɛ ma tomburura ta turuku kua.

29 Nge mɛya maa, ì n wa yeni kpuro ya kooramɔ, i n yɛ ma nɛ Tɔ̄nun Bii na turuku kuawa, na mam wāa kɔ̄nnɔwɔ.

30 Ka geema na bɛɛ sɔ̄mɔ, tɛn tɔ̄n beni ba ñ gbimɔ ye kpuro yu ka koorɔ.

31 Wɔ̄llu ka tem baa ya koo doona, adama nɛn gari kun doonɔ pai.

### *Gusunɔ turowa*

*handunian kpeerun saa yɛ  
(I maa mɛɛriɔ Mateu 24:36-44)*

32 Yesu maa nɛɛ, ye n s̄aa nɛn naarun saa, goo sari wi u yen t̄ru yɛ, baa Gusunɔn gɔ̄radoba be ba wāa wɔ̄llɔ, baa mam Biin tii, ma n kun mɔ Baaba turo.

33 I n tii sɛ kpa i n swaa mɛɛra, domi i ñ yɛ d̄ma te t̄ɔ te, ta koo tunuma.

34 N ko n s̄awa nge durɔ goo wi u sanum d̄ɔ. U win yenu win s̄m kowobu n̄mu s̄ndia, u ben baawure win s̄mburu wɛ, ma u kɔ̄nnɔ k̄so s̄ɔwa u n swaa mɛɛra.

35 N n mɛn na, i n swaa mɛɛra, domi i ñ yɛ nge yenu ȳro u koo tunuma yoka, ñ kun mɛ w̄ku su-unu, ñ kun mɛ saa ye gue sumɔ, ñ kun mɛ bururu.

36 U n tunuma suaru s̄ɔ, kpa u ku raa bɛɛ deema i d̄ɔ.

37 Ye na bɛɛ s̄ɔmɔ yera na maa baawure s̄ɔmɔ, i n swaa mɛɛra.

## 14

*Wirugiba wesianamɔ*

*bu ka Yesu go*

*(I maa mɛrio Mateu 26:1-5, Luku 22:1-2, Yohanu 11:45-53)*

<sup>1</sup> N wee, n tie sɔɔ yiru bu ka Gɔɔ sararibu ka pɛɛ ye ba kun seeyatia doken tɔɔ bakaru ko. Ma yāku kowo tɔnwerobu ka wooda yɛrobu ba swaa kasu bu ka Yesu mwa asiri sɔɔ bu go,

<sup>2</sup> domi ba gerumɔ ba mɔ, n n weenɛ bu ko tɔɔ baka te sɔɔ, kpa n ku raa ko gari baka tɔmbun suunu sɔɔ.

*Kurɔ goo turare yɛka*

*Yesun wirɔ*

*(I maa mɛrio Mateu 26:6-13, Yohanu 12:1-8)*

<sup>3</sup> Sanam mɛ Yesu u wāa Betaniɔ Simɔɔn yɛnuɔ wi u raa bara disigiru mɔ, kurɔ goo u na win mi u too buraru neni te ba kua ka abatiri, te ta turare gobi bekegia yiba ye ba kua ka naadin gum. U too te kɔra ma u turare ye yɛka Yesun wirɔ sanam mɛ u dimɔ.

<sup>4</sup> Gabu ba sɔɔnamɔ ka mɔru ba nɛɛ, mban sɔna u turare ye kam koosia.

<sup>5</sup> Sa ko raa kpī su ye dɔra yu ko sɔm kowon wɔɔ tian kɔsiarun saka, kpa su gobi yi sɔarobu bɔnu kua.

Ma ba kurɔ wi wɔkisi.

<sup>6</sup> Adama Yesu u nɛɛ, i nɔn derio. Mba n kua i ka nɔn wɔkisi mɔ. Gāa burana u man kua.

<sup>7</sup> Baadommawa sɔarobu ba wāa bɛɛn suunu sɔɔ. Sanam baamere mɛ i kī, i ko kpī i bu durom kua. Adama nɛna na n ko na n wāa ka bɛɛ ka baadomma.

<sup>8</sup> U kua nge mɛ win mɔra nɛ. U nawa u ka nɛn wasin sikubun sɔɔru ko bu sere yi sike.

<sup>9</sup> Ka geema na bɛɛ sɔɔmɔ, baama mi ba Labaari gea waasu mɔ handunia kpuro sɔɔ, ba koo maa kurɔ win gari gere ye u kua minin sɔ, ba n ka nɔn yaaye.

*Yudasi u kī u Yesu yāku kowo*

*tənwerobu nōmu sōndia*

*(I maa mēerio Mateu 26:14-16, Luku 22:3-6)*

<sup>10</sup> Yen biru Yudasi Isikariōtu, bwāabu wākura yiru yen turo, u da yāku kowo tənwerobun mi u ka bu Yesu nōmu sōndia.

<sup>11</sup> Ben nukura dora gem gem ye ba win gari nua ma ba nūn gobi nōō m̄wēru kua yi ba koo nūn kē. Ma u swaa kasu nge m̄e u koo ko u ka Yesu bu nōmu sōndia ù n saa wa.

*Yesu u Gōō sararibun yaa dibu*

*dimō ka win bwāabu*

*(I maa mēerio Mateu 26:17-25, Luku 22:7-14, 21-23, Yohanu 13:21-30)*

<sup>12</sup> Pēē ye ba kun seeyatia doken tōō bakarun tōō gbiikiru, tē sōō ba ra Gōō sararibun yāanu go, Yesun bwāaba na win mi ba nēē, mana a kī su nun Gōō sararibun yaa dibun sōōru kua.

<sup>13</sup> Yera Yesu u win bwāabun yiru gōra u bu sōōwa u nēē, i doo wuu sōō, i ko ka durō goo yinna u nim tooru sōōwa. I nūn swīiyō.

<sup>14</sup> Yenu mi u dua, i yenu gen yēro sōōwō i nēē, yinni u nēē, diru mana wi ka win bwāabu ba koo be Gōō sararibun yaa dibu di.

<sup>15</sup> Durō wi, u koo bēē gidambisa baka sōōsi ye ba sōōru kua ka gāa nūn bukata sa mō kpuro. Miya i ko i sun Gōō sararibun sōōru kua.

<sup>16</sup> Ma bwāa be, ba swaa wōri ba tura wuu gen mi, ba ye kpuro wa nge m̄e Yesu u raa bu sōōwa. Ma ba Gōō sararibun yaa dibu sōōru kua.

<sup>17</sup> Ye n kua yoka Yesu u da mi ka win bwāabu wākura yiru ye.

18 Ye ba sã ba dimo Yesu u nee, ka geema na bee sãomã, been turo wi u dimo ka ne sannu u koo man domẽ.

19 Yeya bwãa be kpuron nuki sankira, ma ba nùn bikiabu wãri tia tia ba m̀, asa n ñ ne.

20 Ma Yesu u bu wisa u nee, bee wãkura yiru ye sã, ne ka wi sa gbẽe teeru sãramã, wiya.

21 Ka geema, Tãnun Bii u koo gbi nge me Gusunon gari gerumã win sã. Adama nãni swãarugiiwa wi u koo nùn domẽ. N sanã ba kun daa yẽro mara.

*Yinnin dĩa domaruginu*

*(I maa mɛerio Mateu 26:26-30, Luku 22:15-20, Korinti I, 11:23-25)*

22 Mi ba dimo mi, Yesu u pẽe sua u Gusunã siara ma u ye murura u win bwãabu wẽ. U nee, i mã, yeniwa nen wasi.

23 U maa nãra sua u Gusunã siara ma u bu wẽ, ma be kpuro ba nãra.

24 Ma Yesu u nee, yeniwa nen yem me mu Gusunon nã mwẽe kpaaru sire. Mu koo maa yari tãn dabinun sã.

25 Ka geema na bee sãomã, na ñ maa tam meni nãrumã sere n ka ko sanam me kon men kpam nã ban te Gusunã u koo swĩ sã.

26 Ye ba womusu kua ba kpa, yera ba yara ba da Olifin guuru wãllo.

*Yesu u nee, Piẽe koo nùn siki*

*(I maa mɛerio Mateu 26:31-35, Luku 22:31-34, Yohanu 13:36-38)*

27 Olifin guuru miya Yesu u bu sãwa u nee, bee kpurowa i ko i biru wura. Domi ba yoruã Gusunon gari sã ba nee, “Ba koo yãa kparo go, kpa yãanu nu yarina.”

28 Adama nà n seewa gərin di kon bεε gbiiya Galileə.

29 Yera Piεε nùn sɔɔwa u nεε, baa tɔmbu kpuro bà n biru wuramə, n n̄ ka nε!

30 Yesu u nùn sɔɔwa u nεε, ka geema na nun sɔɔmə, gisən wɔku te, sere goo dɔɔ gu ka swī nən yiru, kaa man siki nən ita.

31 Adama Piεε u nɔɔ gεε dim dim u mɔ, na n̄ nun sikimə pai. Baa n̄ n gəɔn na, sanna sa ko gbi.

Meɣa maa bwāa be kpuro ba gerua.

*Yesu u kanaru mɔ Gesemanε*

*(I maa mεerio Mateu 26:36-46, Luku 22:39-46)*

32 Yen biru ba da gam gum mi ba ra soku Gesemanε. Ma Yesu u win bwāabu sɔɔwa u nεε, bu sinə mi, kpa u da u kanaru ko.

33 Ma u Piεε ka Yakəbu ka Yohanu soka ba da ka wi. Ma u nanda, win wasi dwiiya.

34 Yera u bu sɔɔwa u nεε, nən nukura sankira sere n gəɔ gum girari. I yɔro mini kpa i n tii kporenu s̄a.

35 Yen biru u bu dεsirari fiiko u kpuna u kibari u kanaru kua, n̄ n koo kooa, wahalaŋ saa ye, yu nùn dεsirari.

36 Yera u gerua u nεε, nən Baaba, kaa kpī a gāanu kpuro ko. A de wahala ye, yu man dεsirari. Adama a ku nən gɔru kīru ko ma n kun mə wunεgiru.

37 Ma u wurama bwāabu ita ben mi, u deema ba dɔ. Ma u Piεε bikia u nεε, Simɔɔ a dɔwa? A kpana a n wasi baa kəbi tia?

38 I n tii kporenu s̄a i n kanaru mɔ, kpa i ku ra du kəkiribu sɔɔ. Ka geema, tənun gɔru ga kī adama wasi yen dam bie.

39 Ma u kpan wura u kanaru kua. Gari tee yiya u gerumə.



40 Ye u kpam wurama u deema ba do domi ben nɔni bunia. Ba n̄ maa yē ye ba koo n̄n s̄.

41 Ye u wurama ben mi n̄n itase u bu s̄ɔwa u n̄ε, i den dweeyo t̄ē, kpa i w̄ēra. N tura m̄ε. Saa ye, ya tunuma k̄ɔ. N wee, ba T̄ɔnun Bii t̄n k̄s̄obu n̄mu s̄ndiamm̄ε.

42 I seewo su doona. Wee, wi u man d̄m̄m̄ɔ u sisi.

*Yesun mwaabu*

*(I maa m̄εriɔ Mateu 26:47-56, Luku 22:47-53, Yohanu 18:3-12)*

43 Yesu kun gari yi gerum kpa Yudasi ka tunuma yande, bw̄ābu w̄akura yiru yen turo. T̄n dabira n̄n sw̄i ba takobiba ka bokunu n̄ni. Ȳaku kowo t̄nwerobu ka wooda ȳerobu ka guro guroba ba bu ḡra.

44 N deema d̄m̄ε wi, u raa t̄n be s̄ɔwa ȳre te u koo ko. U n̄ε, dur̄ɔ wi u koo n̄n̄ε u b̄kasi, wiya mi, bu n̄n m̄ɔɔ, bu n̄n̄ε kem kem bu ka doona.

45 Ye Yudasi tunuma, mii mii u da Yesun mi, ma u n̄ε, yinni.

Ma u n̄n b̄kasi.

46 Yera t̄n be, ba n̄mu d̄mia ba Yesu mwa.

47 Adama be ba ȳɔ min turo u win takobi woma, ma u ȳaku kowo t̄nweron yoon soo s̄ra u bura.

48 Yera Yesu bu bikia u n̄ε, n̄na b̄ε i mwaabu na ka takobiba ka bokunu n̄ge swaa dio?

49 Baadommawa na ra n̄ ka b̄ε w̄ā s̄ā yer̄ɔ na n̄ keu s̄ɔsim̄ɔ, ma i n̄ man mw̄ε. Adama Gusun̄n gari yi n̄ koo ko yi kun koore.

50 Yera bw̄ā be kpuro ba yarina ba n̄n deri.

51 Aluwaasi goo maa Yesu sw̄i biruɔ u bekuru wukiri. Yera gaba k̄i bu n̄n mwa,

52 adama u duka tereru, u bu bekuru deria.

*Ba Yesu sirimɔ**Yuuban tɔnwerobun mennɔ yerɔ*

*(I maa mɛɛrio Mateu 26:57-68, Luku 22:54-55, 63-71, Yohanu 18:13-14, 19-24)*

<sup>53</sup> Sanam mɛya ba ka Yesu da yāku kowo tɔnweron yenuɔ mi yāku kowo tɔnwerobu ka guro gurobu ka maa wooda yērobu ba mennɛ.

<sup>54</sup> Ma Piɛɛ u bu swīi dandankuru sere ka yāku kowo tɔnweron yenu yaaraɔ. Miya u sina, wi ka tabu kowobu sannu ba dɔɔ wɔsu.

<sup>55</sup> Yāku kowo tɔnwerobu ka maa guro gurobun mennɔ ge kpuro ba seeda kasu ye ba koo Yesu mani bu ka nùn go. Adama ba n̄ wa.

<sup>56</sup> Domi tɔn dabiru ta nùn seeda weesugia diisimɔ adama seedagii be, ba n̄ nɔɔ tia s̄a.

<sup>57</sup> Yera gaba seewa ba nùn weesu mani ba nɛɛ,

<sup>58</sup> bɛɛɛ sa nua u nɛɛ u koo s̄a yeru sura te ba ka nɔma bana, kpa s̄ɔ itan baa s̄ɔ u be ten kpaaru bani te ba n̄ ka nɔma banɛ.

<sup>59</sup> Ka mɛ, baa gari yinin tii s̄ɔ ba n̄ nɔɔ tia kue.

<sup>60</sup> Ma yāku kowo tɔnwerɔ u seewa u yɔra be kpuron wuswaaɔ, u Yesu bikia u nɛɛ, a n̄ gɛɛ wisimɔ? Mba tɔn beni ba nun saarisimɔ.

<sup>61</sup> Adama Yesu u maari piti, u n̄ bu gāanu wisa. Yera yāku kowo tɔnwerɔ wi, u kpaam nùn bikia u nɛɛ, wuna Kirisi wi? Gusunɔ Yinni wi sa siaramɔn Bii?

<sup>62</sup> Ma Yesu u nɛɛ, oo, nɛna mi. S̄ɔ teeru i ko Tɔnun Bii wa u s̄ Dam Kpurogiin nɔm geuɔ, u wee wɔllun di guru winu s̄ɔ.

<sup>63</sup> Sanam mɛya yāku kowo tɔnwerɔ u win tiin yaberu nɛnuu u karana, ma u nɛɛ, ee, seeda yerà i maa kasu.

64 Bεε i nua gari kam yi u gerua. Amɔna i wa durɔ wi sɔɔ.

Ma be kpuro ba nùn taare wε ba nεε, bu nùn go.

65 Yera ben gaba yande nùn yāatam siem wɔri, ba win nɔni wɔkuɔ, ma ba nùn nɔm kusa soomɔ, ba nεε u tubuo wi u nùn soomɔ.

Ma tabu kowobu ba nùn mwa ba soomɔ.

*Piεε u Yesu siki*

*(I maa mεεrio Mateu 26:69-75, Luku 22:56-62, Yohanu 18:15-18, 25-27)*

66 Sanam mε Piεε u wāa yenu yaaraɔ, yera wɔndia goo wi u sɔmburu mɔ yāku kowo tɔnweron mi u na mi.

67 Ye u Piεε wa u dɔɔ wɔsu, u nùn mεεra tii. Yera u nεε, wunε maa, a raa wāa ka Yesu Nasaretigii sannu.

68 Adama Piεε u gari yi siki, u nεε, na n̄ yε fa, ya n̄ man yeeri ye a gerumɔ.

Ma u yara u da gongoroso gia. [Saa yera goo dɔɔ ga swī.]

69 Wɔndia sɔm kowo wi, u kpam nùn wa mi, ma u be ba yɔ mi sɔɔwa u nεε, durɔ win tɔmbun turowa mini.

70 Adama Piεε u kpam gari yi siki. Ye n te fiiko, be ba yɔ mi ba Piεε sɔɔwa ba nεε, ka gem, wunε tɔn ben turowa domi wunen tii Galilegiuwa.

71 Yera Piεε u bɔrua u sɔnna u nεε, na n̄ durɔ wi yε wi bεε i ka yā mini.

72 Mii mii ma goo dɔɔ ga swī nɔn mεεruse. Yera u Yesun gari yaaya yi u raa nùn sɔɔwa u nεε, sere goo dɔɔ gu ka swī nɔn yiru, u koo nùn siki nɔn ita. Ma u swīi wɔri.

# 15

*Ba ka Yesu da*

*Pilatin wuswaaɔ*

*(I maa mɛɛrio Mateu 27:1-2, 11-14, Luku 23:1-5, Yohanu 18:28-38)*

<sup>1</sup> Buru buru yellu yāku kowo tɔnwerobu ka maa guro gurobu ka wooda yērobu, ka be ba tie mɛnnɔ ge sɔɔ, ba mɛnna bu ka gari yi wesiana sannu. Ma ba Yesu bɔkua ba ka da ba Pilati nɔmu sɔndia.

<sup>2</sup> Yera Pilati nùn bikia u nɛɛ, wuna Yuuban sunɔ? Yesu nùn wisa u nɛɛ, mɛya nge mɛ a gerua.

<sup>3</sup> Ma yāku kowo tɔnwerobu ba Yesu mɛm dabinu manimɔ.

<sup>4</sup> Yera Pilati kpam nùn bikia u nɛɛ, a n̄ gāanu wisimɔ? A n̄ nɔɔmɔ nge mɛ ba nun mɛm dabinu manimɔ?

<sup>5</sup> Adama Yesu kun yen gaa wisa sere biti ya Pilati mwa.

*Ba Yesu taarɛ wɛ bu go*

*(I maa mɛɛrio Mateu 27:15-26, Luku 23:13-25, Yohanu 18:39-19:16)*

<sup>6</sup> N deema, Gɔɔ sararibun t̄ɔɔ bakaru baatere Pilati u ra pirisɔm turo karewa wi tɔmba kī.

<sup>7</sup> Sanam mɛya, tem gowobu gaba wāa pirisɔm sɔɔ be ba tɔmbu go tem gooru garu sɔɔ. Ben turon yīsira Baraba.

<sup>8</sup> Ma tɔn wɔru ga susi Pilatin mi bu ka nùn kana u bu kua nge mɛ u ra bu kue w̄ɔɔ baagere t̄ɔɔ te sɔɔ.

<sup>9</sup> Ma Pilati u bu bikia u nɛɛ, i kī n bɛɛ Yuuban sunɔ kara?

<sup>10</sup> Domi win tii u yɛ kam kam ma nisinun s̄ɔna yāku kowo tɔnwerobu ba nùn Yesu nɔmu sɔndia.

<sup>11</sup> Sanam mɛ sɔɔra yāku kowo tɔnwero be, ba tɔn wɔru bɔrie gu ka Pilati seesi kpa u bu Baraba kara.

12 Ma Pilati u kpam bu bikia u nεε, ñ n mɛn na, mba i kī n ko ka durɔ wi bεε i sokumɔ Yuuban sunɔ.

13 Yera ba kpam gbāsukum wɔri ba nεε, a nùn kpareo dāa bunanaru sɔɔ.

14 Pilati u bikia u nεε, mban sɔna. Kɔsa yerà u kua. Adama tɔn be, ba gbāsukum sosi ba nεε, a nùn kpareo dāa bunanaru sɔɔ.

15 Pilati u kī u ko ye n koo bu dore, yen sɔna u bu Baraba kara. Yen biru u dera ba Yesu so ma u nùn tabu kowobu nɔmu sɔndia bu nùn dāa bunanaru kpare.

### *Tabu kowobu*

*ba Yesu yaakoru mɔ*

*(I maa mεerio Mateu 27:27-31, Yohanu 19:2-3)*

16 Sanam mɛya tabu kowobu ba Yesu gawa ba ka nùn da tem yɛron agbara sɔkaaɔ ma ba tabu kowobu kpuro kpuro mɛnna mi.

17 Ba Yesu gurumusu swāabu sebusia, ma ba sāki tundu bɔkana ba doke win wirɔ nge furɔ.

18 Ma ba nùn tɔbirim wɔri ba mɔ, Yuuban sunɔ, fɔɔ baasira.

19 Ma ba nùn gāa bɔɔ soomɔ wirɔ, ba nùn yāatam siemɔ, ba nùn yiiramme.

20 Ye ba nùn yaakoru kua ba kpa, ba nùn gurumusu swāabu ge potari ba win tiin yānu sua ba nùn sebusia. Ma ba nùn gawa ba ka yara bu ka nùn kpare dāa bunanaru sɔɔ.

### *Ba Yesu kpare*

*dāa bunanaru wɔllo*

*(I maa mεerio Mateu 27:32-44, Luku 23:26-43, Yohanu 19:17-27)*

21 Sanam me ba ka nùn dɔɔ, n wee durɔ goo u sarɔ mi, wi ba ra soku Simɔɔ Sireniyii, u wee gberu kpaanen di. N deema Simɔɔ wi, u sãawa Alesandu ka Rufusin baaba. Ma tabu kowobu ba nùn mwa ka dam ba nùn Yesun dãa bunanaru sãbi.

22 Ba ka Yesu da mi ba ra soku Gɔɔgɔta, yĩsi ten tubusiana, aye te ta ka wii koko weene.

23 Ma ba nùn tam wẽ me mu ka tim menna me ba ra soku miru, adama u yina u nɔ.

24 Yera ba nùn kpare dãa bunanarɔ. Yen biru tabu kowo be, ba win yãnu tete toosi bu ka wa ye ben baawure u koo sua. Nge meya ba ka Yesun yãnu bɔnu koosina.

25 Bururun kɔba nɔɔba nnen sakawa ba nùn kpare dãa bunanarɔ.

26 Tora te u kua ba ka nùn kpare, tera ba yorua ba mani ba nee, Yuuban sunɔ.

27 Ba maa gbenɔbu yiru gabu dãa bunananu kpare, turo Yesun nɔm geuɔ, turo win nɔm dwarɔ.

[ 28 Nge meya Gusunɔn gari yi koora yi yi nee, “Ba nùn garisi kɔsan kowobu sɔɔ.”]

29 Tɔn be ba sarɔ ba nùn wiru diirisimɔ ba wɔnsimɔ ba nee, ahã to, n n̄ wuna ra nee kaa sãa yeru sura kpa a kpaaru bani sɔɔ itan baa sɔɔ?

30 Tẽ, a re tii faaba koowo a sara dãa ten min di.

31 Nge meya maa yãku kowo tɔnwerobu ka wooda yẽrobu ba nùn yaakoru mɔ. Ba sɔɔnamɔ ba mɔ, u gabu faaba kua adama u kpana u tii faaba ko.

32 Tẽ i de Kirisi Isireliban sunɔ u sarama su wa saa dãa bunana ten min di kpa su nùn naane doke.

Meya maa be yiru, be ba kpare dãa bunanaru sɔɔ ka wi sannu, ba maa nùn wɔmmɔ.

*Yesun gəə*

*(I maa mɛɛrio Mateu 27:45-56, Luku 23:44-49, Yohanu 19:28-30)*

<sup>33</sup> Yera dɔma ten sɔɔ sɔɔ, yam wɔkura tem mɛ kpuro wukiri sere n ka kua sɔɔ sɔɔn kɔba ita.

<sup>34</sup> Kɔba ita yen sakawa Yesu u gb̄ara ka dam, u nɛɛ, “Eloi, Eloi, lema sabatani.” Yen tubusiana, Gusunɔ nɛn Yinni, mba n kua a ka man deri.

<sup>35</sup> Be ba yɔ min gabu ba gari yi nua ma ba nɛɛ, i n̄ nɔɔmɔ? U Eli soku.

<sup>36</sup> Yera ben turo u duka na ka sw̄ɛ dukɛ dukɛsu si u wasa tam mɔmmɔm sɔɔ u b̄eri dɛkaɔ. Ma u Yesu t̄i u nɔ, u nɛɛ, i de su wa Eli ù n koo na u n̄n sarasia.

<sup>37</sup> Yera Yesu u gb̄ara wɔllɔ too too, ma win hunde ya doona.

<sup>38</sup> Ase saa yera maa beku kare te ta w̄a s̄a yeru sɔɔ ta ḡɛrama saa wɔllun di sere temɔ.

<sup>39</sup> Tabu kowobun tɔnwero wi u yɔ Yesun wuswaaɔ u wa nge mɛ u ka gu. Yera u nɛɛ, ka gem durɔ wi, Gusunɔn Biiwa.

<sup>40</sup> Kurɔbu gaba maa w̄a mi, ba mɛɛra sarun di. Be sɔra Maari Madalagii w̄a, ka Salomɛ, ka Maari wi u s̄a Yose ka Yakɔbu ȳakabun mɛro.

<sup>41</sup> N deema beya ba raa Yesu sw̄i ba n̄n nɔɔrimɔ sanam mɛ u w̄a Galileɔ. Kurɔbu dabiru gara maa w̄a mi, be ba ka n̄n na Yerusalemɔ sannu.

*Yesun sikubu*

*(I maa mɛɛrio Mateu 27:57-61, Luku 23:50-56, Yohanu 19:38-42)*

<sup>42-43</sup> Ye n kua yoka, Yosefu Arimategii u tunuma mi, wi u s̄a b̄ɛɛɛgii Yuuban guro gurobu sɔɔ, u maa mara Gusunɔ u bandu sw̄i. T̄ɔ te, t̄ɔ w̄ɛrarugirun sɔɔrun t̄ɔra, t̄ɛn yokan di t̄ɔ

wērarugira koo tore. Yen sōna Yosefu u da Pilatin mi ka toro sindu u ka Yesun goru kana.

<sup>44</sup> Ma Pilati u biti kua too too ye u nua ma Yesu u gu kə. Yera u tabu sunə sokusia u ka nūn bikia Yesu ũ n gu kə.

<sup>45</sup> Ye tabu sunə wi, u nūn sōwa ma Yesu u gu, u Yosefu nəə kã u ka goo te sua.

<sup>46</sup> Yosefu u da u beku te ba wesa ka wēε damgii dwa, ma u goo te sarasia u tu beku te tēke. Ma u tu kpēε kpee wəru ge ba dāka səə. Yen biru u kpee bakaru garu bimiama u ka wəru gen nəə kərua.

<sup>47</sup> N deema, Maari Madalagii ka Maari Yosen mero, ba mēera mi ba Yesun goru kpēεmə.

## 16

### *Yesun seebu gərin di*

*(I maa mēerio Mateu 28:1-8, Luku 24:1-12 Yohanu 20:1-10)*

<sup>1</sup> Ye tōə wērarugira sara, Maari Madalagii ka Salome ka Maari Yakəbun mero, ba turare dwa bu ka Yesun goru yēka.

<sup>2</sup> Ye n kua alusuma buun buru buru yellu kurə be, ba da siki ten mi.

<sup>3</sup> Swaaə ba bikianamə, wara u koo bu kpee te bimia siki ten nəən di.

<sup>4</sup> Ye ba mēera ma ba wa, wee kpee te, ta bimiare baa mē ta kpā too.

<sup>5</sup> Ye ba dua siki te səə ba aluwaasi goo wa u sō ben nəm geuə u yabe kpikiru sebua. Ma berum bu mwa gem gem.

<sup>6</sup> U bu sōwa u nεε, i ku berum ko. Na yē ma Yesu Nasaretigiiwa i kasu wi ba kpare dāa bunanaru səə.



U seewa gərin di u n̄ wāa mini. I mɛerio mi ba raa n̄n̄n̄ kp̄i.

<sup>7</sup> N n̄ mɛn na, i doo i win bwāabu s̄ ka Piɛɛn tii ma u koo bu gbiiya u da Galileə. Miya ba koo n̄n̄n̄ wa nge mɛ u raa bu s̄əwa.

<sup>8</sup> Yera ba yarima ba duki doona sikiru min di ka diiribu domi bɛrum bu mwa gem gem. Ba n̄ maa goo gāanu ganu s̄əwa bɛrum saabu.

*Yesu u Maari Madalagii kure*

*(I maa mɛerio Mateu 28:9-10, Yohanu 20:11-18)*

[  
<sup>9</sup> Ye Yesu u seewa gərin di alusuma buun buru buru yellu, Maari Madalagiiwa u gbia u tii s̄əsi, w̄i s̄ən̄n̄ di u wɛrekunu n̄əba yiru gira.

<sup>10</sup> Ma kurə wi, u da u win kpaasibu labari ye s̄əwa be ba wāa nuku sankiranu ka sw̄i s̄ə.

<sup>11</sup> Sanam mɛ ba nua Yesu kua waso, kurə wi maa n̄n̄n̄ wa, ba n̄ ye wure.

*Yesu u bwāabu yiru kure*

*(I maa mɛerio Luku 24:13-35)*

<sup>12</sup> Yenin biru, Yesu u wigibu yiru gabu kure ye ba s̄imə swaaə ba baru kpaaru garu d̄ə adama u tii k̄sa ben n̄ni s̄ə.

<sup>13</sup> Ye ba w̄ma wuu min di ba be ba tie yen labari s̄əwa, adama ba n̄ maa ye naanɛ kue.

*Yesu u tii bwāabu*

*w̄kura tia ye s̄əsi*

*(I maa mɛerio Mateu 28:16-20, Luku 24:36-49, Yohanu 20:19-23, Gərobun Kookoosu 1:6-8)*

<sup>14</sup> Yen biru Yesu u bwāabu w̄kura tia ye kurema ye ba dimə. Ma u bu gerusi ben naanɛ dokebu

sarirun sã ka maa ben degangam sã, domi ba ñ tən ben gari wure be ba nùn wa u seewa gərin di.

<sup>15</sup> Ma u bu sɔwa u nɛɛ, i doo handunian baama kpuro kpa i bweseru baatere Labaari gea waasu kua.

<sup>16</sup> Baawure wi u ye naanɛ doke, ma ba nùn batemu kua, u koo hunden faaba wa. Baawure wi u kun maa ye naanɛ doke, u koo taarɛ wa.

<sup>17</sup> Səm maamaakiginu wee ni naanɛ dokeobu ba koo ko. Ba koo wɛɛkunu gira ka nɛn yĩsiru kpa bu ka barum kɔam gari gere.

<sup>18</sup> Bà n waa gɔsɔnu sua nɔmaɔ, ñ kun mɛ bà n dɛɛ nɔra, ba ñ wahala gaa wasi. Bà n maa barɔbu nɔmu sɔndi, ba koo bekurawa.

*Yesu u doonɔ Gusunən mi*

*(I maa mɛɛriɔ Luku 24:50-53, Gərobun Kookoosu 1:9-11)*

<sup>19</sup> Ye Yinni Yesu ka bu gari yi kua u kpa, u suara wəllɔ u da u sina Gusunən nəm geuɔ.

<sup>20</sup> Ma bwãa be, ba da ba waasu kua baama kpuro. Ma Yinni u ka bu sɔmbu te mɔ, u sɔɔsimɔ ka səm maamaakiginu ma ben gari sãawa gem.]

**Bibeli Gusunɔn Gari**  
**The Holy Bible in the Baatonum language of Benin,**  
**also called the Bariba language**

copyright © 2013 SIM

Language: Bariba (Baatonum)

Translation by: SIM International

**Bariba, Bibeli Gusunɔn Gari**

This translation, published by the UEEB/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files  
dated 29 Jan 2022  
00601790-b883-5da1-83f2-d05a7fa289a8